

Ssanyu

OKUYIGA BAYIBULI MU

MATAYO

Ka bwereere—Tekatundibwa



**“Naye musooke munoonye obwakabaka
bwa Katonda n’obutuukirivu bwe, n’ebirala
byonna biribongerwako.” —Matayo 6:33**

EBISOOKERWAKO

Okuyiga kuno okuva mu Matayo kuwandiikiddwa eri BULI YENNA ayinza okunyumirwa mu bitonotono eby olugero lw enjiri ey ekitalo. Teriyo bubaka bwa kitalo nnyo bulala bwonna bwe tuyinza kubuulira nsi.

Kisubirwa nti abantu abetolodde ensi yonna bajja kusanga akatabo kano nga ka mugaso era nga kayamba okusobola okutegeera obulungi Ekigambo kya Katonda ekiwandiike obulungi ddala, era bangi balyoke banoonye Yesu okuba Omulokozi wobulamu bwabwe abayambe okuva mu kibi bwe babeera nga tebanaba kukivaamu. Nsaba akatabo kano era kalung amye buli mukkiriza yeyongere okutambulira mu bulamu obusinga obulungi, obulamu obw Ekikristaayo obwawulibwa buli lunaku, obusiimibwa Mukama Yesu Kristo, eyajja okutuwa obulamu obutaggwaawo.

©2012 World Missionary Press, Inc., Rose Stair Goodman, author.

SSANYU —Okuyiga Bayibuli mu Matayo Kaakubibwa:

WORLD MISSIONARY PRESS, INC.

P.O. Box 120

New Paris, Indiana 46553-0120 USA

Okuyiga Bayibuli nga tusinziira ku Matayo kagabibwa buwa. Mbasaba mwetegerere kino nti TEKAGABIBWA mu missa nga babuulira, naye kaakolebwa nga kazozezewa mu bubinja obutono nga muyiga Bayibuli, abantu kinnomu, oba mu kukyalira abantu abakkiriza abapya.

The Scripture text is from the Bible in Luganda by United Bible Societies Africa Regional Centre, Nairobi, Kenya. Used by permission.

Ekifaananyi ekiri ku ddiba kyaakubibwa Andrew Beverly.

ESSOMO 1. OKUZAALIBWA KWA YESU KRISTO, OMULOKOZI WAFE



Matayo 1:18-25

¹⁸N'okuzaalibwa kwa Yesu Kristo kwali bwe kuti: Malyamu nnyina bwe yali nga ayogerezebwa Yusufu, nga te-bannaba kubeera wamu, n'asangi-bwa nga ali lubuto lwa Mwoyo Mutukuvu. ¹⁹Awo Yusufu omwami we, nga bwe yali omusajja omutukuvu, yali nga tayagala kumuswaaza, yali a-sala amagezi kumulekayo kyama. ²⁰Naye bwe yali ng'alo-woza ebintu ebyo, laba, malayika wa Mukama n'amula-

bikira mu kirooto, ng'agamba nti, "Yusufu, omwana wa Dawudi, totya kutwala mukyala wo Malyamu, kubanga olubuto lw'alina lwa Mwoyo Mutukuvu.

²¹Era alizaala omwana ow'obule-nzi, naawe olimutuuma erinnya lye YESU, kubanga oyo y'alilo-kola abantu be mu bibi byabwe."

²²Naye ebyo byonna byaaliwo obunabbi butuukirire obwayo-gerwa nti: ²³"Laba omuwala ata-manyi musajja alibeera olubuto, era alizaala omwana ow'obule-nzi, era aliyitibwa erinnya lye Emanuweri," ekitegeeza nti "Kato-nda ali naffe." ²⁴Awo Yusufu bwe yasisimuka mu tulo, n'akola nga malayika wa Mukama bwe ya-mugamba, n'atwala mukyala we, ²⁵era teyamumanya okutuusa ng'amaze okuzaala mutabani we omubereberye. Era yamutuuma erinnya lye YESU.

Eby'okukola

A. Buli kibuuzo we kikoma, waliwo akafo w'ojja okuwandiika eky'okuddamu kyo. Ekibuuzo bwe kikulema okutta, nga oddamu nga osoma bulungi nga wetegereza. Eby'okuddamu byonna ojja kubisanga mu ssomo erisooka.

1. Erinnya lya maama wa Yesu ye yali ani? _____

(olunyiriri 18)

2. Yesu yafuuka atya n'abeera mu lubuto lw'omuntu?

_____ (19). Kino kitulaga nga
Katonda ye Taata wa Yesu kubanga Omwoyo Omutukuvu ne
Katonda bali muntu omu.

3. Ani yalabikira Yusufu mu kirooto n'amugamba nti,
"Yusufu omwana wa Dawudi, totya kutwala mukyala wo
Malyamu, kubanga olubuto lw'alina lwa Mwoyo Mu-
tukuvu"? _____ (20)

4. Yesu baamuwa erinnya eddala eritandika n'ennukuta E.
Linnya ki? _____ (23)

5. Erinnya Emanuweri litegeeza ki? _____
_____ (23)

B. Yiga olunyiriri luno:

"Olimutuuma erinnya lye Yesu; kubanga oyo y'aliloko-
la abantu be mu bibi byabwe." —Matayo 1:21b

Lwaki Yesu Ayinza Okutulokola Okuva mu Bibi Byaffe

Yesu teyalina Taata wa mubiri. Omwoyo Omutukuvu ye



Kitaawe. Y'ensonga lwaki omusaayi
Gwe gwa bwakatonda era y'ensonga
lwaki yali asobolera ddala okufa ku
musalaba olw'ebibi byaffe. Yesu yali
saddaaka etuukiridde eyaweebwayo
okufirira ebibi kubanga Ye teyalina kibi
kyonna. Yesu mutukuvu era yatuukiri-
ra. Ensonga enkulu eyasinga okuleeta
Yesu mu nsi, kwe kutulokola okutujsa
mu bibi byaffe. Yajja ku nsi atulokole.

**YESU ERA KATONDA —
YAJJA MU NKULA EY'ABANTU**

ESSOMO 2. ABASAJJA ABAGEZIGEZI BAKYALIRA YESU



Matayo 2:1-23

¹Yesu bwe yazaalibwa mu Beserekemu eky'e Buyudaaya mu biro bya kabaka Kerode, laba, abagezigezi ne bava e Buvanjuba ne bajja e Yerusalemi, ²nga bagamba nti, "Ali ludda wa oyo eyazaalibwa Kabaka w'Abayudaaya? Kubanga twalaba emunyee nye ye mu Buvanjuba era tuzze okumusinja." ³Kabaka Kerode bwe yabiwulira, ne yeraliikirira awamu ne Yerusalemi yonna. ⁴N'ayita bakabona abakulu bonna, abawandiisi, n'abantu bonna n'ababuza Kristo gye yazaalibwa. ⁵Ne bagamba nti, "Mu Beserekemu eky'e Buyudaaya, kubanga kyawandiikibwa ba nabbi nti: ⁶ 'Naye ggwe, Beserekemu Yuda, toli mutono mu bafuga Yuda; kubanga mu ggwe; mwe

muliva Omufuzi alirunda abantu bange Yisirayeri.'" ⁷Awo Kerode n'ayita basajja abo kyaama, n'ababuza akakase ddi emunyeenye lwe baagiraba. ⁸N'abasiindika e Beserekemu n'abagamba nti, "Mugende mufube okunoonyereza eby'omwana oyo, era bwe mulimulaba, muntegeezanga nange ne nzijja ne musinja." ⁹Bwe baawulira ebya kabaka ne basimbula; era, laba, emunyeenye gye baalaba e Buvanjuba n'ebakulembera, okutuusa bwe yayimirira mu kifo omwana we yali. ¹⁰Bwe baalaba emunyeenye ne basanyuka nnyo nyini. ¹¹Era bwe baatuuka mu nnyumba, ne baalaba omwana omuto ne Malyamu nnyina; ne bavunama ne bamusinja. Ne basumulula



ensawo zabwe ne bamutonera ebirabo: zaabu, obubaane n'omugavu. ¹²Awo, malayika wa Mukama bwe yabalabula mu kirooto baleme okuddayo eri Kerode, ne bakwata ekkubo eddala nga baddayo ewabwe. ¹³Bwe baagenda, laba, malayika wa Mukama n'alabikira ¹⁴Yusufu mu kirooto ng'agamba nti, "Golokoka otwale omwana awamu ne nnyina, muddukire e Misiri, era mubeere eyo okutuusa lwe ndi kutegeza." ¹⁵Era baa-beerayo okutuusa Kerode bwe yafa, ekyo Mukama kye yayogerera mu banabbi kiryoke kituukirire bwe yagamba nti, "Nayita Omwana wange okuva e Misiri." ¹⁶Awo Kerode bwe yalaba nga abagezigezi baamulimba, n'ajjula essungu; n'atuma basajja be okutta buli baana ba bulenzi bonna abaweza emyaka ebiri n'okukka wansi bonna abaali mu Beserekemu okusenziira ku biro abagezigezi bye

baamugamba. Olwo nabbi Yemiya bye yayogera ne bituukirira nti; "Ebiwoobe byawulirwa mu Ramma, okukaaba n'okukungubaga okungi Lake-ri ng'akaba olw'abaana be, era n'agaana okukubagizibwa kubanga nga tewakyali." ¹⁹Naye Kerode bwe yafa, laba, malayika wa Mukama n'alabikira Yusufu mu kirooto ng'agamba nti, "Golokoka, otwale omwana awamu ne nnyina mu Yisirayeri, kubanga abaali banoonya obulamu bw'omuto, bafudde." ²¹Awo n'agolokoka, n'atwala omwana ne nnyina, ne bajja mu nsi ya Yisirayeri. ²²Naye bwe yawulira nga Alukerayo ye yali afuga Buyudaaya oyo eyasikira kitaawe Kerode, n'atya okugendayo. Era Katonda bwe yamulabulira mu kirooto, n'akyuka n'agenda e Galiraaya. ²³N'ajja n'abeera mu kyalo ekiyitibwa Nazaleesi, kituukirire ekyayogera nabbi nti, "Aliyitibwa Munazaalayo."



Eby okukola

A. Ebibuuzo ebyo wammanga oddamu nti YEE oba NEDDA. Eky okuddamu kyo kiwandiike awo awali omusittale.

1. Yesu yazaalibwa mu Beserekemu eky e Buyudaaya.

_____ (1)

2. Abasajja abagezigezi emunyeenye baagiraba mu Buva-njuba. _____ (2)

3. Kabaka Kerode bwe yawulira nga Yesu azaaliddwa ya-sanyuka. _____ (3)

4. Abasajja abagezigezi baddayo ewa Kerode ne bamu-buulira omuto Yesu gye yali. _____ (12)

5. Malayika wa Mukama yagamba Yusufu nti adduke age-nde e Misiri. _____ (13)

6. Kabaka Kerode yatta abaana abato bonna abaali nga baweza emyaka ebiri n okukka wansi abaali mu Bese-rekemu n ebitundu ebiriraanyewo? _____ (16)

7. Yesu yabeerako mu kyalo ekiyitibwa Nazaalesi? _____ (23)

B. Awali ebbanga jjuzawo ekigambo ekibulawo nga obijja mu lugero.

Era bwe baatuuka mu nnyumba, ne balaba omwana omuto ne _____ nnyina, ne bavunama ne _____. Ne basumulula ensawo zabwe ne bamutonera _____: _____, obubaane, ne _____ (11).

Ekiweebwayo Ekyasooka

Ekiweebwayo ekyasooka okuweebwa Yesu abasajja abagezegezi be baakireeta. Ekirabo kya zaabu kali kabonero akalaga obwakabaka bwe. Obubaane n'omugavu byali bya kaloosa eby'emiti gy'e Buvanjuba era nagyo eri abantu gya muwendo nga zaabu. Obubaane nga bulaga embeera Ye ey'obuntu (ekitegeeza nti yazaalibwa mu mubiri nga omuntu) n'okuziikibwa kwe, ate omugavu gwe gulaga obwakatonda bwe. Tetwandisobodde kuwa Yesu birabo nga ebyo eby'omuwendo omungi, naye ekirabo ekisinga kye tuyinza okumuwa bwe bulamu bwaffe nga twewaayo gy'ali.

Abasajja Abagezegezi Baasinza Yesu



Tukiraba mu ssomo ery'okubiri nga abasajja abagezegezi baasinza Yesu! Tebaasinza Malyamu. Ye Malyamu yazaala buzaazi Yesu. Era Yesu bwe yali ng'afa ku musalaba, maama we ow'omubiri yamusigira Yokaana. Mu ssuula 19 eya Yokaana, enyiriri 26 ne

27a, tusoma bino, **“Awo Yesu bwe yalaba nnyina, n'omuyigirizwa gwe yayagalanga nga bayimiridde awo, n'agamba nnyina nti, ‘Omukyala, laba mutabani wo!’ Ate n'agamba omuyigirizwa oli nti, ‘Laba nnyoko!’ ”** Wano tula-ba nga Yesu maama we yamuyita **“Mukazi!”**

Kitugwanidde okuba abegendereza ne tusinza Mukama waffe Yesu Kristo yekka, Omulokozi waffe. Jjukira mu ssomo erisooka twasoma nti erinnya lya Yesu eddala Ye **Emanuweri**, ekitegeeza nti Katonda ali naffe! Kino kituyigiriza nti Yesu naye Katonda. Kale bwe kityo lwali lunaku lukulu lwa kitalo nnyo Yesu lwe yajja ku nsi kuno nga omwana omuto

n'akulira mu basajja n'abakazi. Yesu Ye Katonda nga yeeraga eri abantu mu mubiri. (Soma Yokaana 1:1,14; Abakkolosaayi 2:9; Matayo 12:50.)

ESSOMO 3. YOKAANA OMUBATIZA ABATIZA YESU



Matayo 3:1-6 ne 13-17

¹Mu nnaku ezo Yokaana Omubatiza yajja nga abulira mu ddungu ey'e Buyudaaya, ²ng'agamba nti, "Mwenenye, kubanga obwakabaka bw'eggulu busembedde!" ³Kubanga ono ye yayerwako nabbi Yisaaya nti: "Eddoboosi ly'oyo ayogerera mu ddungu nti, 'mulongoose ekubo lya MUKAMA, mutereeze enguudo ze.'" ⁴Era Yokaana yayambalanga byoya bya ng'a-

mira, n'olukoba olw'eddiba mu kiwato kye; yalyanga nzige na mubisi gwa njuki. ⁵Awo ne bava e Yerusalemi ne mu Buyudaaya wonna n'ensi yonna eriraanyee-wo ne bajja gy'ali ⁶okubabatiza mu Yoludaani; nga baatula ebi-bi byabwe. ¹³Awo Yesu n'ava e Galiraaya n'ajja eri Yokaana mu Yoludaani amubatize. ¹⁴Naye Yokaana n'agezako okugaa-na ng'agamba nti, "Nze nnina ekyetaago ggwe okubatiza, ate ojja gyendi?" ¹⁵Naye Yesu n'addamu ng'agamba nti, "Kikkirize kaakano kibeere bwe kityo, kubanga kirungi ffe okutuukiriza obutuukirivu bwonna." Awo n'amukkiriza. ¹⁶Awo Yesu bwe yabatizibwa n'ava mu mazzi. Amangu ago era laba, eggulu ne libikkuka n'alaba Omwoyo wa Katonda ng'akka mu kifaananyi ky'ejjuba ne limuwummulirako. ¹⁷Amangu ago eddoboosi ne liva mu ggulu, nga ligamba nti, "Ono Ye Mwana wange omwagalwa, gwe nsanyukira ennyo."

Eby'okukola

Mu mabanga ago jjuzamu ebigambo ebituufu. Eby'okuddamu byonna bisangibwa mu ssomo ery'okusatu.

1. Yokaana omubatiza yabuulira obubaka obugamba bwe buti: **"Mwenenye kubanga obwakabaka bwa _____ busembedde"** (2).

2. Yokaana yalyanga _____ na _____ (4).

3. Ani yajja eri Yokaana naye nga ayagala okubatizibwa? _____ (13)

4. Yesu bwe yava mu mazzi, Omwoyo wa Katonda yamukkako mu kifaananyi kya _____ (16).

5. Eddoboozi eryava mu ggulu lyagamba nti, **"Ono ye _____ omwagalwa gwe nsanyukira ennyo"** (17).

Okwenenya Kitegeeza ki?

Okwenenya kitegeeza okunakuwala olw'ekikolwa ekikyamu oba nga waliwo kye tulemeddwa okutuukiriza. Era mu mutima oba nga oyaayana okwagala obutaddayo kukola nga bwe wakola. Okwenenya kitegeezaa okukyuka n'okomya okukola ebikyamu n'okola ebituufu. Ebintu ebikyamu bye tukola biyitibwa bibi. Eky'amazima kiri nti buli kintu kyonna ekitasanyusa Katonda kiyitibwa kyonoono oba kibi. Okwenenya okutuufu bulijjo kuleeta enkyukakyuka entuufu mu mitima gyaffe. Waaliwo akawala akagamba nti; "okwenenya kitegeeza okunakuwala ekimala n'otuuka n'obutaddamu kukola ebyo era n'obivaako." Bwe tusa eri Yesu, ajja kutuyamba





atuwe amaanyi agatunyweeza okusobola okubivaako. Ayinza okukyusa omutima ogubadde gujjudde ebibi ne gukyukira ddala ne gutukula. Mu mitima gyaffe ajja kujjumu ebibi ateekemu Omwoyo we. Wali osabyeko nga oyaniriza Mukama waffe Yesu okujja mu mutima gwo?

Akawala kano kasaba Yesu. Awo kaatula ebibi byako era kategeeza Yesu nga bwe kana-kuwalidde ebyo bye kaakola.

Yesu ajja kuwulira essaala yaako era akasonyiwe. Era ajja kukayamba okusobolanga okukola ebintu ebituufu bulijjo. Ajja kukawa omutima ogutukula.

Singa buli lunaku kanasabanga Yesu, ajja kukawa amaanyi kabeere nga bulijjo kakola ebintu ebisiimibwa Yesu.

Obujulizi Obutali bwa Bulijjo

Obwakatonda bwonna bwaaliwo mu kubatiizibwa kwa Yesu Kristo okw'enjawulo. (1) Katonda Kitaffe yayogera ng'ayima mu ggulu, ng'agamba nti, **"Ono ye Mwana wange omwagalwa, gwe nsanyukira ennyo."** (2) Katonda Omwana Ye yajja eri Yokaana okubatzibwa. Erinnya lye ery'obuzaale ye Yesu kubanga yajja okutulokola mu bibi byaffe. (3) Katonda Omwoyo Omutukuvu, eyakka ku nsi ng'ava mu ggulu mu kifaananyi eky'ejjuba n'awummulira ku Yesu.

Nga okwagala kwa Katonda kwa kyewuunyo nnyo gye tuli, olaba yeeraga eri abantu mu ngeri ezo essatu!

ESSOMO 4. YESU AKEMEBWA OMULABE

Matayo 4:1-11

¹Awo Yesu n'akulemberwa Omwoyo n'amutwala mu ddungu okukemebwa Setaani. ²Bwe yamala okusiiba ennaku amakumi ana emisana n'ekiro, awo enjala n'emuluma. ³Awo omuke mi bwe yajja n'agamba nti, "Oba nga oli mwana wa Katonda, lagira amayinja gano gafuuke emmere." ⁴Naye n'addamu nti, "Kyawandiikibwa nti, omuntu tabeerenga mulamu na mmere yokka, wabula na buli kigambo ekiva mu kamwa ka Katonda." ⁵Awo Setaani n'amu-



twala waggulu ku kitikkiro kya yekaalu ⁶n'amugamba nti, "Oba oli mwana wa Katonda, buuka ogwe wansi, kubanga kyawandiikibwa nti, alikulagiriza bamalayika be era tolyesittala kigere kyo ku jjinja." ⁷Yesu n'amugamba nti, "Nate kyawandiikibwa nti, 'Tokemanga MUKAMA Katonda wo.'" ⁸Nate, Setaani n'atwala Yesu waggulu ku lusozi olugulumivu ennyo n'amulengeza obwakabaka bwonna obw'ensi n'ekitiibwa kyabyo. ⁹N'amugamba nti, "Ebyo byonna nzija kubikuwa bw'onovunama n'onsinza." ¹⁰Awo Yesu n'amugamba nti, "Vaawo ggwe, Setaani! Kubanga kyawandiikibwa nti; 'onasinzanga MUKAMA Katonda wo era Ye yekka gw'onowee rezanga.'" ¹¹Awo Setaani n'amuleka, era laba, bamalayika ne bajja ne bamuweereza.

Eby'okukola

A. Ddamu ebibuuzo bino wammanga era eby'okuddamu byonna bisangibwa mu ssomo 4.

1. Okusiiba kitegeeza obutalya mmere. Yesu yamala ennaku mmeka nga talya emisana n'ekiro? _____

(2)

2. Ani yajja mu ddungu okukema Yesu? _____

_____ (enyiriri 1 ne 3)

3. Omukemi yali ayagala Yesu amayinja agafuule _____

_____ (3).

4. Omukemi yali ayagala Yesu abuke agwe wansi okuva ku kitikiro kya _____ (5).

5. Omukemi yali ayagala Yesu avunome asinze _____ (9).

B.Yiga olunyiriri luno: “**Onasinzanga MUKAMA Katonda wo era Ye yekka gw'onaweerezanga.**” —Matayo 4:10b

Yesu Yagaana Okugondera Omukemi

Omukemi bwe yagezako nga ayagala Yesu okumugondera, Yesu teyamugondera era yali ategeera eddoboosi lya Setaani. (Erinnya ly'omukemi eddala ye Setaani era lye basinze okukozesa mu Essomo 4.) Omukemi yagezaako nnyo ng'ayagala Yesu akozese obuyinza bwe mu ngeri enkyamu. Kino kiyitibwa kikemo. Yali agezaako okukema Yesu akole ebikyamu. Naye Yesu teyagondera mukemi. Mu ngeri eyo Yesu teyagondera mukemi era yawangula okukemebwa so teyayonoono. Yesu yajjirwa ebikemo bisatu, naye teyagonderako yadde ekimu kyokka. Lowooza kino omukemi okwagala Yesu avunome amusinze! **Tetuteekwa** kumusinza. Ekyo kikyamu nnyo. Singa Yesu yawuliriza Setaani, yandibadde mugagga mu bintu by'ensi. Naye Yesu yagaana era nga tayagala kugondera Setaani na kumuweereza. Kale naffe tulina okuba abegendereza. Eby'obugagga tetulina kubifuna mu ngeri nkyamu katugambe mu: kukumpanya, okubba oba okwegaana Mukama waffe Yesu Kristo. Tuteekwa bulijjo okukulembeza Kristo mu bulamu bwaffe era n'okukola nga bw'ayagala ne bwe kiba nga tulina kubeera baavu. Yesu yawuwala ku lwaffe ggwe nange tufune obulamu obutaggwawo era luliba lumu ne tugenda okubeera eyo emirembe gyonna (2 Abakkolinso 8:9).

Amaanyi gaffe tetuteekeddwa kugakozesa mu ngeri nkyaa-

mu. Bulijjo tuteekwa okukuuma amateeka gonna ag'obu-tonde era ne tukuuma bulungi emibiri gyaffe. Yesu yatuyigiriza kino bwe yagaana okubuuka okuva waggulu ennyo ku kitikkiro kya yekaalu. Tetuteekwa kukosa oba okulumya emibiri gyaffe nga tukigenderedde.

Ekyama Yesu kye Yakozesa

Ekiseera kyonna omulabe buli lwe yakemanga Yesu, nga Yesu yakozesanga KIGAMBO kya KATONDA. Ekyo ggwe nange kye tulina okukola. Katonda yatuwa Bayibuli okugisomanga. Bayibuli kye Kigambo kya Katonda. Bwe tusoma Bayibuli tufuuka ba maanyi. Kye tulina okuyiga z'enyiriri za Bayibuli zituyambe okuwangula omukemi. Ekikemo bwe kija gye tuli, olwo kiba nga tekinaba kufuuka kyonoona. Naye bwe tugondera ekikemo olwo ne twonoona. Bayibuli etugamba mu Abaebbulaniya 4:15b nti Yesu **“yatuukibwako okukemebwa kwonna nga ffe, naye teyayonoona.”** Yesu teyagondera kikemo kya mukemi kyonna yadde ekimu obumu.

Jjukira kino:

Eddoboosi lyonna erijja gy'oli nga lizezako okukukozesa ebikyamu libeera lya Setaani. Eryo teribeera doboosi lya Katonda! Yanguwa mangu awo okusaba eri Yesu akuwe amaanyi oleme okugondera eddoboosi lya Setaani. Setaani bw'alaba nga tayinza kukukema kukukozesa bikyamu, akuvaako n'agenda era nga omukemi bwe yava awaali Yesu n'amuleka.

ESSOMO 5. YESU ALONDA ABAYAMBI BE



Matayo 4:17-22

¹⁷Okuva mu kiseera ekyo Yesu n'atandika okubuulira ng'agamba nti; “mwenenye, kubanga obwakabaka bwa Katonda busembedde.” ¹⁸Awo Yesu bwe yali ng'atambula ku lubalama

Iw'ennyanja ey'e Galiraaya, n'alaba ab'oluganda babiri, Simooni eyayitibwanga Peetero ne Andereya muganda we, nga basuula obutimba bwabwe mu nnyanja; kubanga baali bavubi. ¹⁹N'abagamba nti, "Mungoberere, nange ndibafuula abavubi b'abantu." ²⁰Amangu ago ne baleka awo obutimba bwabwe

ne bamugoberera. ²¹Era bwe yava awo n'alaba ab'oluganda aba-lala babiri, Yakobo mutabani wa Zebidaayo ne Yokaana muganda we nga bali mu lyato ne taata wabwe Zebidaayo nga bayunga emigonjo gyabwe. N'abayita, ²²era amangu ago ne baleka taata wabwe n'eryato ne bamugoberera.

Eby'okukola

A. Ddamu ebibuuzo ebyo byonna awo wammanga nga ojjuzamu. Eby'okuddamu byonna bisange mu ssomo 5.

1. Erinnya lya muganda wa Simooni Peetero ye yali ani?
_____ (18)

2. Ab'oluganda abo kiki kye baali basuula mu nnyanja?
_____ (18)

3. Yakobo mutabani wa Zebidaayo naye yalina muganda we. Yali ayitibwa ani? _____ (21)

4. Ab'oluganda abo ababiri kiki kye baali baddaabiriza?
_____ (21)

B. Yiga ebigambo Yesu bye yagamba ab'oluganda abo. **"Mugoberere, nange ndibafuula abavubi b'abantu."**

—Matayo 4:19b

Okuyitibwa Okunene Okw'okugoberera Yesu

Kirabikira ddala nga abavubi bano bajjula essanyu bwe baawulira Mukama waffe ng'abayita okumugoberera! Baa-muwulira mangu nnyo na ssanyu. Mu kifo ky'okukwasa ebyennyanja mu butimba bwabwe, nga olwo bagenda kutandika kuvuba bantu. Yesu ayagala abagoberezi bangi. Eky'amazima kiri nti ayagala fenna tumugoberere! Naawe ogoberera Yesu? Bwe kiba nedda, lwaki nedda? Ekyo wali okilowoze-

zzako? Okuyitibwa okusingira ddala obukulu mu byonna kwe kwa Yesu Kristo ng'ayita okujja okumugoberera! Okugoberera Yesu kitegeeza kwetwalira bulamu obutaggwaawo. Mu Yokaana essuula 14 olunyiriri 6b, Yesu agamba nti, "Nze kku-bo, n'amazima n'obulamu. Tewali ajja eri Kitange, okujjako ng'ayita mu Nze."

ESSOMO 6. EBYO KRISTO BYE YAYIGIRIZA



Matayo 5:1-12

¹OIwalaba ebibiina, n'agenda waggulu ku lusozi, awo bwe yatuula wansi, abayigirizwa be ne bajja w'ali. ²Awo n'ayasamya akamwa ke n'abayigiriza, ng'agamba nti, ³"Balina omukisa abaavu mu mwoyo, kubanga obwakabaka obwo mu ggulu bwe bwabwe. ⁴Balina omukisa abo abakaaba, kubanga balisanyusibwa.

⁵Balina omukisa abawulize; kubanga be balisikira ensi. ⁶Bali-

na omukisa abo abalumwa enjala n'enyonta olw'obutuukirivu; kubanga balikkusibwa. ⁷Balina omukisa ab'ekisa; kubanga balisaasirwa. ⁸Balina omukisa abalina emitima emirongoofu, kubanga abo be baliraba Katonda. ⁹Balina omukisa abatabaganya olw'emirembe, kubanga baliyitibwa baana ba Katonda. ¹⁰Balina omukisa abo abayigganyizibwa olw'obutuukirivu, kubanga obwakabaka obw'eggulu bwe bwabwe. ¹¹Mulina omukisa bwe babakuba ne babayigganya, ne babawaayiriza buli kigambo ekibi olw'okubalanga Nze. ¹²Musanyuke mujaguze nnyo, kubanga empeera yammwe nnene mu ggulu, kubanga bwe batyo bwe baayigganyanga banabi abaabasooka."

Balina Omukisa Abakola Eby'ekisa

Lwali lumu omusajja yali atambula ng'ayita mu nsi embi ennyo, n'asanga embwa ng'erina ekiwundu ku kigere. Omusajja oyo yakebera ekigere ky'embwa n'asaangamu eri-

ggwa. Eriggwa eryo yalitundula bulungi, n'anaazawo, ekigere ky'embwa n'akisiba bulungi n'akatambala ke. Awo embwa ne yeetambulira n'egenda.

Oluvanyuma lw'ebyo, omusajja oyo Abayindi ne bamuwamba. Baamusiba mu kkomera nga n'ekibonerezo kye alina kuttibwa. Amangu ago embwa y'Omuyindi ow'omuluka n'edduka n'etuuka ku musajja oyo. Awo n'etandika okumukomberera ku mikono n'okulaga nga emwagala nnyo. Omuyindi yakizuula nga omusajja oyo ye yawonya embwa ye olulala. Yasiima nnyo ekikolwa ky'omusajja oyo era n'amuta ne yegendera.

“Balina omukisa ab'ekisa; kubanga balikwatirwa ekisa.”
—Matayo 5:7

Ebyesiimisa

Mu ssomo ery'omukaaga mulimu “okwesiima” kwa mirundi mwenda. Wano obw'edda aguyita mukisa. Yadde nga Katonda yatuwa amateeka kkumi, Yesu Ye yatulaga okwesiima kwa mirundi mwenda. Naye nno, mu Okubikkulirwa, essuula 22, olunyiriri 14, waliwo ekirala ekigamba nti, **“Balina Omukisa”** — **“Balina omukisa abo abakola amateeka, baliba ba ddembe okulya ku muti ogw'obulam, era baliyingira nga bayita mu mulyango gw'ekibuga.”**

ESSOMO 7. YESU ATUYIGIRIZA OKUSABA



Matayo 6:5-15

“Era bwe musabanga, temufanananga nga bananfuusi. Kubanga baagala okusaba nga bayimiridde mu makunganiro ne ku nguudo, mbu era babalabe. Mazima ddala, mbagamba nti, bamaze okufuna empera yaa-

bwe. ⁶Naye ggwe bw'osabanga, yingiranga mu kisenge kyo munda, ggalawo olugi lwo, saba eri Kitaawo oyo alaba mu kya-ma; era Kitaawo oyo amanya ebyama alikuwa empeera yo mu lwatu. ⁷Naye bwe musabanga temuddingananga mu bigambo nga abakafiiri bwe bakola. Kubanga balwooza nti banawulirwa olw'ebigambo byabwe ebingi. ⁸N'olw'ekyo temufananga nga abo kubanga Kitammwe amanya bye mwetaaga nga temunasaba. ⁹Mu mpisa eyo, n'olw'ekyo musabanga bwe muti: Kitaffe ali mu ggulu, erinnya lyo litukuzibwe. ¹⁰O-

bwakabaka bwo bujje. By'oyagala bikolebwe mu nsi, nga bwe bikolebwa mu ggulu. ¹¹Tuwe leero emmere yaffe eya bulijjo. ¹²Era otusonyiwe ebyonoono byaffe nga naffe bwe tusonyiwa abatusobya. ¹³Totutwala mu kukemebwa, naye otulokole eri omubi. Kubanga obwakabaka, n'obuyinza n'ekitiibwa bibyo emirembe n'emirembe. Amiina. ¹⁴Kubanga bwe musonyiwa abantu ebyonoono byabwe; Kitammwe ali mu ggulu nammwe agenda kubasonyiwa. ¹⁵Naye bwe mutali basonyiwa busobya bwabwe, ne Kitammwe naye talisonyiwa kusobya kwammwe."

Eby'okukola

A. Wammanga awo waliwo essaala Yesu gye yatuyigiriza okusabanga. Ebigambo ebimu baabibuukidde. Ddamu otu-nuulire nate essomo ery'omusanvu oluvanyuma ojjuzeemu ebigambo ebibulamu.

Kitaffe ali mu _____, erinnya lyo litukuzibwe. Obwakabaka bwo bujje. By'oyagala bikolebwe mu _____, nga bwe bikolebwa mu _____. Tuwe leero _____ yaffe eya bulijjo. Era otusonyiwe ebyonoono byaffe, nga bwe tusonyiwa _____. Totutwala mu kukemebwa, naye otulokole eri _____. Kubanga obwakabaka, n' _____, n' _____, bibyo, emirembe n'emirembe. Amiina. (enyiriri 9-13)

B. Essaala eno giyige. Ky'eky'okulabirako ky'okusaba era oku-

lung'anya kw'essaala entuufu. Tuyiga bingi nga bisinziira mu ssaala eno.

1. Kitaffe abeera mu **ggulu** era Ye Kitaffe eyatutonda era atwagala.

2. Erinnya lye terikozesebwa mu bya kusaaga. "Erinnya lyo **Litukuzibwe.**"

3. Buli yenna abeera mu ggulu akola okwagala kwa Katonda. Kitugwanidde okusaba okwagala kwe kukolebwe ne ku nsi. Singa buli muntu yenna akola okwagala kwa Katonda, ensi yaffe nga yandibadde ya kitalo nnyo!

4. Kitaffe tuyinza okumutegeeza byonna bye twetaaga. N'emmere obumere eya buli lunaku tugimusaba. Ayagala okutugabirira mu byetaago byaffe byennyini. Ajja kutuyamba okukola ku bizibu ebiri mu bulamu bwaffe.

5. Abalala tubasonyiwa tutya? Yesu anatusonyiwanga kye nkanyi nga naffe bwe tusonyiwa abalala. Katonda tayinza kutosonyiwa nga tulina ekiruyi, obukaawu, obukyayi oba ekonda mu mitima gyaffe. Katonda atusonyiwa bye tusobya singa nga naffe tusonyiwa abo abatusobya.

6. Katonda alina obuyinza bwonna obutununula mu kuke-mebwa n'eri omulabe.

7. Katonda asobola nnyo okukola ku bye tumusaba kubanga obwakabaka, n'obuyinza n'ekitiibwa bibye.

ESSOMO 8. OBULABIRIZI BWA KATONDA OBWA BULI LUNAKU



Matayo 6:25-34

²⁵“N’olw’ekyo mbagamba nti, temweralikiriranga bya bulamu bwammwe, bye munaalya oba bye munaanywa; yadde emibiri gammwe bye munayambalanga. Obulamu tebusinga emmere, oba omubiri tegusinga byambalo?”

²⁶Mutunuulire ebinyonyi eby'omu bbanga; tebisiga so tebi-kungula yadde era tebirina na mateekero. Naye era nabyo Kitaffe ow'omu ggulu abiriisa. Mmwe temusinga nnyo binyonyi ebyo? ²⁷Ani ku mmwe ayinza okweyongerako ekintu kyonna olw'okweralikirira kwe? ²⁸Kale lwaki mweralikirira eby'okwambala? Mulowooze ku malanga ag'oku ttale; engeri gye gakulamu; tegakola so tegalanga ngoye; ²⁹naye era mbagamba nti yadde ne Sulemaani mu kitiibwa kye teyafanana nga erimu ku go. ³⁰Kaakano oba nga Katonda ayambaza omuddo oguli ku ttale, ogubee-

rawo olwa leero enkya ne gukala, talibambaza nnyo mmwe abalina okukkiriza okutono? ³¹N'olw'ekyo, temweralikiriranga nga mugamba nti, 'tunaa-ly'a ki?' oba 'tunanywa ki?' oba 'tunayambala ki?' ³²Kubanga ababi nabo ebyo bye banoonya. Kubanga Kitammwe ali mu ggulu amanyi nga ebyo byonna mubyetaga. ³³Naye musooke munoonye obwakabaka bwa Katonda n'obutuukirivu bwe; n'ebirala byonna biribongerwako. ³⁴N'olw'ekyo, temweralikiriranga bya nkya, kubanga olw'enkya lujja kweralikirira ebyalwo. Olunaku olumu emitawana gyalwo girumala."

Eby'okukola

Yiga olunyiriri luno: "Naye musooke munoonye obwakabaka bwa Katonda n'obutuukirivu bwe, n'ebirala byonna biribongerwako."
—Matayo 6:33

Bye Tuyiga Okusenziira ku Binyonyi

Wali otunuulidde ku bunyonyi obutono nga bwetaaya mu bbanga? Bubeera n'essanyu. Tebuba na kwerarikirira kwonna. Tewali kibutiisa. Buli lunaku buzuukuka nga buyimba. Buli lunaku bweyanza emmere gye bufuna ne bulya. Tebweralikirira mmere ya nkya. Bumanyi nga n'enkya bujja kufuna emmere. Bwesiga Katonda nga ajja kubulabirira bulungi.

Ggwe nange twandibadde nga ebinyonyi. Tuteekwa kuba basanyufu ne tuyimba amatendo ga Katonda buli ku makya, buli lunaku. Tetuteekeddwa kweralikirira mmere yaffe ya nkya. Oyo Katonda eyatonda obunyonyi era abuyamba ne

bufuna emmere buli lunaku, era naffe ajja kutuyamba tufune emmere eya buli lunaku. Tuteekwa okumwesiga. Tusinga nnyo obunyonyi.

Bye Tuyiga Okuva ku Malanga

Wali olabye ku malanga? Bimuli birungi ebitera okumera ku ttale. Bibeera nga bifaanana bulungi ate ebimu birina erangi enjeru ennungi ennyo. Yesu yagamba nti amalanga ganogayambala bulungi okusinga kabaka omu eyali omugagga ennyo Sulemaani! Ate nga amalanga ago tegeeraliikirira byeganayambala yadde bye ganaateekako. Katonda yagawadda obulungi bwago n'agambaza n'erangi ennungi. Ggwe nange kitugwanidde okwesiga Katonda nga anatwambazanga. Ye yatutonda era ayagala tumwesige nga y'ajja okutuwa eby'okwambala. Ffe tusinga nnyo amalanga.

Ekintu Ekisinga Obukulu

Ekisuubizo kya Katonda eri ggwe nange tukisanga mu luyiriri lwe tulina okuyiga. Tuteekeddwa kusooka kunoonya Katonda. Y'ateekwa okukulembera mu ndwooza zaffe, mu mitima gyaffe ne mu bulamu bwaffe. Tuteekwa kubeerawo ku lulwe era nga Ye gwe tusinga okwagala era tumwagale okusinga byonna ebiri mu nsi. Bwe tumukulembeza, Ye ajja kutulabirira nnyo okusinga ffe bwe tuyinza okwerabirira!

ESSOMO 9. OBULUNGI BWA KATONDA GYETULI



Matayo 7:7-12

⁷Musabe muliweebwa; mu-noonye muliraba; mweyanjule muliggulirwawo. ⁸Kubanga asaba aweebwa, anoonya alaba era n'eyeyanjula aggulirwawo. ⁹Oba ani ku mmwe omwana we bw'amusaba omugaati n'amuwajjinja? ¹⁰Oba bw'asaba

ekyennyanja n'amuwa omusota? "Oba nga mmwe ababi manyi okuwa abaana bammwe ebirungi, Kitammwe ali mu ggulu talisinga nnyo kubawa bintu birungi abo abamunoo-

nya! ¹²N'olw'ekyo, buli kye mwagala abantu okukibakolera, nammwe mukibakolerenga, kubanga eryo ly'Etteeka ne Banabbi."

Bye Tuyiga nga Tusinziira ku Kyawandiikibwa Ekyo Waggulu

1. Katonda ayanukula bye tusaba era Kitaffe ali mu ggulu gwe tulina okusaba.
2. Okwagala Kitaffe kw'alina eri ffe kusingira ddala okwagala kwa bazadde baffe abali ku nsi. N'olw'ekyo ajja kutuwanga ebintu ebirungi oba ebintu ebirungi eri obulamu bwaffe.
3. Anonya ennyo Katonda oyo ajja kuwebwa empeera.
4. Okuyigiriza kwonna okuli mu Bayibuli kujjayo amazimano—okukolera abalala nga naffe bwe twagala batukolere. "Abalala" kitegeeza buli muntu omulamu si abo bokka ab'ewammwe oba ab'enzikiriza yo.

Eby'okukola

Yiga olunyiriri luno olukulu. Luyitibwa Etteeka erya Zaabu. "N'olw'ekyo, ebyo bye mwagala abantu babakolere, nammwe mubibakolerenga." —Matayo 7:12a

Ebyo Etteeka erya Zaabu bye Likoze

Abakazi n'abasajja bwe batambulira mu tteeka erya zaabu ne bagoberera bye ligamba, wabeerawo ebintu ebyewuunyisa ebibalukawo. Bino bye bimu kw'ebyo:

1. Amalwaaliro gazimbibwa olw'abalwadde.
2. Amaka gazimbibwa okuyamba abaavu, abaana abatalina bazadde, era n'abantu abakadde abatalina babalabirira.
3. Amakomera galongoosebwa ne mu by'obuyonjo.
4. Abantu baweebwa eddembe. Tebakyangulibwa na kutundibwa nga baddu.

5. Oluusi abaavu babawa emmere n'engoye.
6. Abantu baagalana era ne bagezaako okuwewula emigu-gu ne gibeera nga gyanguwa okusitula.
7. Abakulembeze bagezaako okukola amateeka agaku-uma abo be bakulembera.
8. Abantu baweebwa eddembe okusinja Katonda nga bwe basobola.

Ekibuuzo Ekirungi Okwebuuzza

Bw'oba nga tewekakasa ngeri gy'oyinza kugoberera Tteeka lya Zaabu mu bulamu bwo, oba bw'oba nga tewekakasa ngeri gy'oyinza kuyisamu mutambuze, ow'omukwano, oba mulabe, webuuzze ekibuuzo kino: "Singa nga nze mbadde mu kifo kye, nandibadde njagala ankolere ki?" Ekyo bw'okiddamu mu mazima mu mutima gwo era n'okikola, olwo nga ogoberedde Etteeka erya Zaabu.

ESSOMO 10. ABAZIMBI ABABIRI



Matayo 7:24-29

²⁴“N’olw’ekyo buli awulira ebigambo byange, era n’abikola, ndimufananya nga omusajja ow’amagezi eyazimba ennyumba ye ku lwazi: ²⁵enkuba n’etonnya, amataba ne galinnya, empewo

n’ekuntira ku nnyumba eyo; naye teyagwa, kubanga yazimbibwa ku musingi gwa lwazi. ²⁶Era na buli awulira ebigambo byange naye n’atabikola, afanana nga omusajja omusiru eyazimba ennyumba ye ku musenyu: ²⁷era enkuba n’etonnya, amataba ne gajja, empewo n’ekunta era kibuyaga n’akuba ennyumba n’egwa. Era n’ekigwo kyali kine-ne.” ²⁸Awo Yesu bwe yamala okwogera ebigambo ebyo, abantu ne bawuniikirira nnyo olw’enjigiriza ye, ²⁹kubanga yabayigiriza nga nannyini buyinza so si nga abawandiisi.

Eby'okukola

Jjuza mu mabanga ago wammanga. Eby'okuddamu byonna obisanga mu ssomo 10.

1. Omusajja eyawulira ebigambo bya Yesu era n'abikola yamufaananya _____ eyazimba ennyumba ku lwazi (24).

2. Omusajja eyawulira ebigambo bya Yesu N'ATABIKOLA yamufaananya omusajja _____ eyazimba ennyumba ye ku musenyu (26).

Omuzimbi ow'amagezi

Ggwe nange bwe tubeera nga twagala okufanana n'omusajja omugezi, olwo tulina okuwuliriza ebigambo bya Yesu era ne TUBIKOLA. Ebigambo bya Yesu tubisanga mu Bayibuli. Ebigambo bya Yesu bingi bye tusanga mu Matayo, era bye tuyigako kati. Obulamu bwaffe bwe tubuzimbira ku bigambo bya Yesu ne tubigondera, awo omuyaga ne bwe gujja tusigala nga tuli bagumu. "Omuyaga" mu bulamu bye bintu nga ebigezo, emitawaana, ebintu ebizibu, oba n'ebintu ebijja gye tuli nga bireeta ennaku. Yesu Kristo ali nga olwazi. Munyweevu akakasibwa era tayinza kusimbulwa. Obulamu bwaffe bwe tubuzimba ku ye, olwo Ye atukwata n'atunyweeza era tewali kintu kyonna kiyinza kutunyeenya ne tumuvaaako. Oyagala okubeera omuzimbi ow'amagezi? Kale kati kkiriza Yesu ajje mu mutima gwo. Saba Yesu era omugambe ajje ayingire mu mutima gwo. Ayagala nnyo. Ggwe olina kuggulawo olugi lw'omutima gwo, naye anayingira.

Essaala

Mukama, sonyiwa buli kibi kyange;
Nnaaza era ontukuze munda,
Beeranga mu nze buli lunaku; nsabye
onnung'amyeye mu byonna bye nkola ne
bye njagala.



Yesu mu Okubikkulirwa 3:20 yayogera ebigambo bino: “Laba nyimiridde ku lugi nkonkona. Omuntu yenna bw’awulira eddoboosi lyange n’aggula olugi, nnaayingira gy’ali ne ndya wamu naye, naye n’alya nange.”

Omuzimbi Omusirusu

Abantu abamu tebagondera Kigambo kya Katonda. Bawuliriza buwuliriza ne beerabira bye bawulidde. Bafaanana nga omusajja omusiru. Omuyaga gw’ensi bwe gubakuba, tebasobola kuyimirira naye bakkirira mangu ne bagwa nga ennyumba eyazimbibwa ku musenyu. Kino kibi nnyo. Tebakkiriza Yesu kuyingira mu mitima gyabwe era tebagondera bigambo bya Yesu.

Yiga Olunyiriri Luno

“Naye mubeerenga abakozi b’ekigambo, so si bawulizi buwulizi.”

—Yakobo 1:22a

ESSOMO 11. OMUYAGA N’ENNYANJA BIGONDERA YESU



Matayo 8:23-27

²³Awo bwe yayingira mu lya-to, abayigirizwa be ne bamugoberera. ²⁴Amangu ago omuyaga

ogw’amaanyi ne gujja ku nnyanja, eryato ne lijjula amayengo. Naye yali yeebase. ²⁵Awo abayigirizwa ne bajja gy’ali ne bamuzuukusa nga bagamba nti, “Mukama waffe, tulokole! Tuzikirira!” ²⁶Naye n’agamba nti, “Lwaki mutya, O! mmwe abalina okukkiriza okutono?” Awo n’agolokoka n’aboggolera omuyaga ogwali ku nnyanja. ²⁷Awo abasajja ne bawuniikirira, nga bagamba nti, “Ono y’ani, omuyaga n’ennyanja bimuwulira?”

Omuyaga ku nnyanja

Yesu n'abayigirizwa be baali ku nnyanja mu lyato eddene. Yesu yali akooye era nga yeebase. Bwe yali nga akyebase, omuyaga ogw'amaanyi ne gusituka ku nnyanja. Amayengo ne gasituka eryato ne libulira mu mayengo! Abayigirizwa baatya nnyo ne bazuukusa Yesu. Yesu ateekwa okuba nga yeewuunya nnyo, okulaba nga abayigirizwa baali batidde nnyo. Naye bwe yalaba okukkiriza nga kutono, N'agolokoka n'alagira omuyaga n'ennyanja okuteeka. Amayengo agaali ku nnyanja gaateeka. Awo abayigirizwa baategeera nga bwe baali n'Omusajja ow'ekyewuunyo ennyo era nga wa njawulo ku basajja abalala bonna be baali balabye. Mazima ddala omusajja oyo Ye Mwana wa Katonda! Omuyaga n'ennyanja bimugondera!

Bye Tulina Okujjukira

Edda ennyo waaliyo omukazi ng'alina bawala be babiri bonsatule baali nga basaabala mu lyato eddene ku nnyanja. Obuzibu ne butuuka ku nnyanja eryato ne litandika okubbira. Abantu abaali mu lyato ne bajjula entiisa. Naye omukazi oyo n'abaana be baali baagala Yesu era nga bamutya ate nga bamwesiga. Omanyi omuwala omukulu kye yayogera? Yagamba maama we nti, "Maama, ennyanja yiye, kubanga Ye yeyagikola, n'olw'ekyo tuleme kutya. Yade nga tunabbira, tujja kuba nga tetunnasukka bulabirizi bwe." Baali nga bajudde okwakayakana mu maaso gaabwe era ne basisinkana okufa mu buziba bw'ennyanja. Jjukira kino, mmwe mikwano gyange abaagalwa, "TEWALI KULUMA KWENYINI KUYINZA KUJJA GYE TULI YESU BW'ABEERA NAFFE."

ESSOMO 12. TUTEEKWA OKUBABUULIRA KU BALALA EBIFA KU YESU



Matayo 10:28-33

²⁸“Era temutya abo abazikiriza omubiri so nga tebayinza kutta mwoyo. Naye mutye oyo ayinza okuzikiriza byombi emmeeme n’omubiri mu geyena. ²⁹Enkazaluggya ebbiri tebazitunda

nnusu? Naye tewali n’emu egwa ku ttaka nga ssi kwagala kwa Kitaffe. ³⁰Naye n’enviiri eziri ku mutwe gwo azimanyi omuwendo. ³¹N’olw’ekyo temutya; enkazaluggya enyingi muzisinga omuwendo. ³²N’olw’ekyo buli anjatulira mu maaso g’abantu, nange ndimwatula mu maaso ga Kitange Oyo ali mu ggulu. ³³Naye buli anegaana mu maaso g’abantu, nange ndimwegaana eri mu maaso ga Kitange Oyo ali waggulu.

Okwatula Kristo Kyetaagisa

Yesu Kristo yatusuubiza nti bwe tumwatula ku nsi mu maaso g’abantu, Naye bwe tulituuka mu ggulu y’alitwatula mu maaso ga Katonda. Kino kya kitalo nnyo! Okumwatula kitegeeza kuyimirira ku Ye mu bigambo byaffe era ne mu biko-lwa byaffe. Ggwe abantu abalala otera okubategeeza ku maanyi ga Yesu agayinza okutulokola mu bibi byaffe? Abantu abalala obategeeza kw’ebyo bye yakukolera era nga ggwe bwe yakulokola? Bino bye bimu ku bintu bye tuteekwa okukola bwe tuba nga twagala okwatula Yesu mu maaso g’abantu.

Naye nno, ensonyi bwe zitukwata ne tulemwa okwogera ku Yesu, era ne tulemwa okukola ebyo abantu nga bwe kitugwanidde eri abantu, olwo Mukama waffe tuba nga tumwegaana mu maaso g’abantu. Kino kikulu nnyo era kinyiiza Yesu mu mutima gwe. Tuteekwa okusaba Yesu n’atusonyiwa

era Ye gwe tulina okwesiga nga ajja kutuyamba tusobole okukola ebintu ebisiimibwa mu maaso ge. Olwo ebya Yesu okutwegaanira mu maso ga Katonda mu ggulu ffe tetulibimanya.

Tuleme Okutya Abantu

Abantu abamu babi nnyo. Bakola ebintu ebizibu ennyo. Oluusi batta abantu. Naye basobola kutta mubiri gwokka; tebasobola kutta myoyo. Omwoyo ky'ekitundu ekiri munda mu ffe nga kyo tekifa. Emibiri gyaffe bwe gifa, emyoyo nga giddayo mu ggulu eri Katonda agigaba. **“Kyatekerwawo omuntu okufa omulundi gumu, naye oluvanyuma lw'e-kyo musango”** (Abaebbulaniya 9:27b). Ggwe nange tulina okuwaayo embalirira y'ebikolwa byaffe eri Katonda. Abaruumi 14:12 agamba nti: **“Olwo buli omu ku ffe aliwaayo embalirira ye eri Katonda.”** Katonda gwe tulina okutya. Laba Omubuulizi 12:13b ne 14. **“Tyanga Katonda era okwate ebiragiro bye, kubanga gwe mulimu gwonna ogw'omuntu. Kubanga Katonda emirimu gyonna aligiyisa mu kulamula, na buli ekiri mu kyama, ekirungi era n'ekibi.”**

Katonda yatugaana okutya ebyo abantu bye bayinza okutukola. Bayinza okutwogerako ebintu ebikyamu; bayinza okutulumya; bakyayinza n'okututta, naye Katonda agamba nti tusigale nga tumwesiga. Katonda ebintu byonna abimanyi! Amanyi n'omuwendo gw'enviiri eziri ku mitwe gyaffe! Katonda ebintu byonna abimanyi! Era ne bwe kabeera akakazaluggya oba akanyonyi akalala konna nga kagudde wansi, akimanya. Ffe tuli ba muwendo mungi okusinga enkazaluggya enyingi ennyo! Kale tayinza kutwerabira! Mu Abaebbulaniya 13, olunyiriri 5b, Katonda agamba nti, **“Sikwabulirenga so sikulekenga.”**

ESSOMO 13. OLUGERO LW'OMUSIZI



Matayo 13:1-9 ne 18-23

¹Ku lunaku lwe lumu olwo Yesu yafuluma enju n'agenda n'atuulira awo ku lubalama lw'ennyanja. ²Ebibiina ebinene ne bekung'anyiza we yali, bw'atyo n'alinnya mu lyato n'atuula omwo; ebibinja byonna ne bayimirira awo ku lubalama lw'ennyanja. ³Awo n'abuulira ebintu bingi mu ngero, ng'agambanti, "Laba, omusizi yafuluma okusiga. ⁴Bwe yasiga, ensigo ezimu ne zigwa ku mabbali g'ekubo; ebinyonyi ne bijja ne bizirya. ⁵Ezimu zaagwa ku mayinja, nga tewali ttaka lizimala kukula bulungi; ne zimera mangu ago. ⁶Naye omusana bwe gwayaka ne ziwotoka kubanga tezasimba mmizi ne zikala. ⁷Endala zaagwa mu maggwa,

amaggwa ne gazifumita ⁸Naye ate endala zaagwa ku ttaka eddungi era ne zibala ebibala; ezimu kikumi, endala nkaaga, n'endala amakumi asatu. ⁹Alina amatu ag'okuwulira awulire!" ¹⁸"Kale muwulire olugero lw'omusizi: ¹⁹Omuntu yenna bw'awulira ebigambo by'obwakabaka n'atabitegeera, awo omubi ajja mangu n'amukwakkulako ebyasigibwa mu mutima gwe. Ezo z'ezaagwa ku mabbali g'ekubo. ²⁰Naye oyo afuna ezaagwa mu mayinja, y'oyo awulira ekigambo n'akikwata mangu ago n'essanyu; ²¹naye ate ne kitaba na mirandira mu ye, ne kibeerawo akaseera katono. Kubanga ebizibu bwe bijja n'okuyigganyizibwa olw'ekigambo, yesittala mangu. ²²Naye oyo afuna ensigo ez'omu maggwa awulira ekigambo, okweraliikirira n'obulimba bw'ensi n'eby'obugagga ne bikifumitafumita, n'atabala bibala. ²³Naye oyo afuna ezaagwa ku ttaka eddungi, y'oyo awulira ekigambo n'akitegeera, y'oyo abalira ddala ebibala era ne byeyerayongerera; abamu kikumi, abamu nkaaga, n'abamu amakumi asatu."

Olugero kye ki?

Mu ngeri eno kuba kugereesa nga tufuna eky'okulabirako oba okutangaaza amazima agali mu ddiini.

Eby'okukola

A. Wammanga awo waliwo emboози ezeetaaga okujuzamu mu mabanga. Soma nate olugero olyoke ojuzemu ebigambo ebituufu.

1. Ensigo ezaagwa ku mabbali g'ekkubo zaalibwa _____ (4).
2. Ensigo ezaagwa ku mayinja tezaafuna _____ (5) lingi olwo omusana bwe gwayaka nga zimaze okumeruka ne _____ (6), olw'okuba nga tezaalina mirandira ne _____.
3. Ensigo ezaagwa mu maggwa, _____ gaa-zifumita (7).
4. Ensigo ezaagwa mu ttaka eddungi za _____ (8).

Amakulu g'olugero gannyonyolwa

B. Nate soma olugero akatundu akannyonyola amakulu galwo olyoke ojuzemu mu mabanga.

1. Ensigo ezaagwa ku mabbali g'ekkubo zifaananyizibwa nga abantu abawulira _____ by'obwakabaka bwa Katonda naye ne bagaana _____ (19). Awo omubbi ajja n'abanyagako amazima gabyo mu mitima gyabwe.
2. Ensigo ezaagwa mu mayinja ziri nga abantu abawulira _____ ne bakikwata n'essanyu (20). Naye olw'okuba nga mu mitima gyabwe temubeeramu bbanga lyabyo, ekigambo tekisimba mirandira. Awo bwe wajjawo ebizibu n'okuyigganyizibwa nga _____ (21).
3. Ensigo ezaagwa mu maggwa ziri nga abantu abawulira Ekigambo, naye ne bafuba nnyo mu mitawaana _____ eno nga okukola eby'enju, okufumba, okusuubula, n'oku-

noonya eby'amasanyu. Era eby'obugagga by'ensi eno biba-
limba ne bifumita _____ . Ne bafuuka
_____ (22).

4. Ensigo ezaagwa ku ttaka eddungi ziringa abantu abawulira Ekgambo, ne bakitegeera. Bakikwata mu mitima gyabwe n'essanyu era ne batandika okukulembeza Katonda mu bulamu bwabwe. Buli kintu kyonna ekiyinza okubajjira tekiyinza kubasuula. Tebaganya kweraliikirira bya buli lunaku kuyingira kufumita Kigambo; era emitima gyabwe tebagi-tunuuliza bya bugagga. Beekuumira mu kusaba era nga beesiga Katonda okubayambanga. N'olw'ekyo, babala _____ bingi, abamu kikumi, abalala nkaaga, n'a-balala amakumi asatu (23).

Ekibuuzo: Oli muwulizi wa kika ki?

Bw'oba tobadde nga ensigo ezaagwa mu ttaka eddungi, genda eri Mukama Yesu mu kusaba era omukkirize okujja mu mutima gwo ne mu bulamu bwo. Ajja kukuyamba okubala ebibala bingi.

ESSOMO 14. OMUSALABA N'ENGULE

Matayo 16:24-28

²⁴Awo Yesu n'agamba abago-berenzi be nti, "Buli ayagala oku-ngoberera, yeefirize yekka, a-kwate omusalaba gwe, angoberere. ²⁵Kubanga buli ayagala okulokola obulamu bwe ku lwange alibubuza, era buli abuza o-bulamu bwe ku lwange alibu-zuula. ²⁶Kubanga omuntu alifu-na magoba ki bw'agobolola mu nsi yonna, naye n'afiirwa o-mwoyo gwe? Oba omuntu kiki



ky'aliwanyisa mu kifo ky'omwoyo gwe? ²⁷Kubanga Omwana w'Omuntu alijjira mu kitibwa kya Kitaawe ne bamalayika be, olwo aligabira bonna empeerira okusenziira ku mirimu gya-

bwe. ²⁸Mazima ddala mbagama nti, waliwo abayimiridde wano abatagenda kulega ku kufa okutuusa lwe baliraba Omwana w'Omuntu mu bwakabaka bwe.”

Omusalaba Gwa Bonna



Bwe tubeera nga twagala okugoberera Yesu, tuteekwa okuba nga twetegese okubuzabuzaba obulamu bwaffe ebintu ebimu nga tubyegaana. Olwo twetikka omusalaba Yesu gw'atwagaliza. Yesu alina omusalaba ogugwo era n'ogwange. Yaleka byonna ekitiibwa n'eby'obugagga n'ajja ku nsi atulokole mu kufa, ge-

yena, n'amagombe! Yabonabona nnyo ku lwaffe. Abaebbulaniya 12, Olunyiriri 2b lugamba nti Yesu; “**Olw'essanyu lye yali alindirira yagumiikiriza omusalaba, so teyatya ku-swaala, era atudde ku mukono ogwa ddyo ogwa nnamulondo ya Katonda.**” Weewaawo, Yesu kati yaddayo mu ggulu eri ekitiibwa ekingi n'essanyu. Ayagala ggwe nange tugende eyo tubeerenga naye. Mu Yokaana 14:3, Yesu atutegeeza bw'ati; “**Era ngenda kubategekera bifo, Ndikomawo nate okubanona; eyo gyendi, nammwe gye mulibee-ra.**”

Okwefiiriza kitegeeza ki? Kitegeeza ebintu ebimu obutabikola osobole okukola ekisingako okuba ekikulu. Yesu ayinza okukugamba oleme kukozeza nsimbi zo oziweeyo ziyambe mu kubunyisa enjiri eri abantu abatalina Bayibuli oba abatannawulira bulungi nnyo bigambo bya Yesu! Akyayinza

okukugamba okusiiba okumala akabanga nga osabira omuntu alokoke oba omulwadde okuwonyezebwa. Oba akayayinza okukugamba oleme kugula kintu ky'obadde oyagala naye ensimbi oziwe abayala oba abali mu bwetaavu. Yesu ayinza okukugamba ogende mu kifo ekimu obuulire abantu baayo ebya Yesu. Ebiseera ebimu atugamba okulabirira omwana eyafiirwako bazadde be, oba n'okumutwalira ddala okubeera naye mu maka gaffe ne tuyamba mu kubakuza. Waliwo engeri nyingi ze tuyinza okwefiirizamu ne tuyamba abalala.

Emmeeme yo Yamuwendo nnyo Okusinga Ensi

Singa okola n'ofuba nnyo n'ofuuka nagagga mu nsi, naye nga obadde toyagala Yesu era nga tomugoberera newakubadde okumwesiga okuba Omulokozi wo, obeera musirusiru nnyo. Emmeeme yo ebula! Wano tewali magoba gonna gayinza kusasula bulamu butaggwaawo! Omuntu kiki ky'alisasula olw'emmeeme ye? Waliwo omusajja omu eyayagala ab'ewabwe bamusiime okusinga nga bwe yandibadde asiimibwa Katonda. Mu ngeri eyo emmeeme ye yagiwaanyisamu n'okubeera omwatiikirivu nga yeenoonyeza ettutumu. Tewali kirabo kyonna mu nsi muno kiyinza kugabibwa bantu ba nsi eno ababi ekiyinza okwenkana n'emmeeme y'omuntu. Tetuteekeddwa kukola kintu kyonna kiyinza kutujja ku Mukama waffe Yesu Kristo.

Eby'okukola

Yiga olunyiriri luno: **“Kubanga Omwana w'Omuntu alijjira mu kitiibwa kya Kitaawe ne bamalayika be, olwo ali-gabira bonna empeera okusinziira ku mirimu gyabwe.”**

—Matayo 16:27

ESSOMO 15. YESU AYAGALA ABATO



Matayo 18:10-14

¹⁰“Mwekuume mulemenga kunoonya bato bano, era mbagamba nti eyo mu ggulu bamalayika babwe balaba amaaso ga bula.”
Kitange ali mu ggulu. ¹¹Kuba-

nga Omwana w’Omuntu yajja kulokola ekyo ekyabula. ¹²Mulowooza mutya? Omuntu bw’abeera n’endiga ekikumi, emu ku zo n’ebula, taleka ziri ekyenda n’agenda mu lusozi okunoonya eri ebuze? ¹³Era bw’agizula, mazima ddala, mbagamba nti, ajaguza nnyo olw’eyo okusinga ekyenda mu omwenda ezitabuze. ¹⁴Era si kwe kwagala kwa Katonda ali mu ggulu yadde omu ku bato bano okubula.”

Bye Tuyiga Okuva mu Lugero luno

1. Abaana abato balina bamalayika. Bamalayika abo buli lunaku balaba amaaso ga Katonda eyo mu ggulu. N’olw’ekyo tulina okubeera abegendereza mu ngeri gye tuyisaamu abaana. Tuteekwa okuyamba omwana okukola ebituufu.

2. Omwana w’Omuntu nalyo linnya ddala lye bayita Yesu Kristo, Omwana wa Katonda. Oluusi bamuyita Mwana wa Muntu kubanga yazaalibwa Maliyamu eyali nga tamanyi musajja era bulijjo ayitibwa Mwana wa Katonda kubanga talina taata wa mubiri era Katonda Ye Kitaawe.

3. Ekyaleeta Yesu ku nsi, yajja kulokola ekyo ekyabula.

4. Era nga omusajja oli bwe yagenda okunoonya endiga ye eyali ebuze, bw’atyo ne Yesu Kristo bwe yajja okutunoonya.

5. Era nga omusajja oli bwe yasanyuka ennyo ng’alabye endiga ye, bw’atyo Yesu bw’asanyuka bwe tukkiriza n’atuza!

6. Yesu asanyuka nnyo bwe wabeerawo omwana yenna amussamu obwesige era n'amukkiriza. Tayagala yadde omu kw'abo okulabika ng'abula. Ayagala bonna balokolebwe.

7. Kino kitulaga nga bwe kiri ekikulu ennyo okusomesa abaana abato ebikwata ku Yesu era n'okubakulembera okubatuusa eri Yesu.

Bye Tulina Okulwoozako

Ekibuuzo: "Kiki ekituuka ku muntu agezako okugobaganya omwana ng'ayagala okumulemesa okukkiriza ebya Mukama waffe Yesu Kristo?"

Eky'okuddamu: Yesu agamba bw'ati mu Matayo 18:6: "**Naye buli alyesittaza omu ku bato bano abanzikiriza n'amusuula mu kibi, kyandibadde kirungi okumusiba olubengo mu bulago, n'asuulibwa mu buziba bw'ennyanja.**"

YESU AYAGALA ABAANA ABATO OKUJJA GY'ALI



Makko 10:13-16

¹³Awo ne bamuleetera abana abato okubakomako, naye abayigirizwa be ne bababoggo-

lera abo abaabaleeta. ¹⁴Naye Yesu bwe yabalaba, n'asunguwala nnyo n'abagamba nti, "Muleke abaana abato bajje gyendi so temubagaana, kubanga abali nga abo obwakabaka bwa Katonda bwe bwabwe. ¹⁵Mazima mbagamba nti, buli atakkiriza bwakabaka bwa Katonda nga omwana omuto, tali-buyingiramu n'akatono." ¹⁶N'abawambatira mu mikono gye n'abawa omukisa.

ESSOMO 16. TUTEKWA OKUSONYIWA ABALALA



Matayo 18:21-35

²¹Awo Peetero n'ajja gy'ali n'amugamba nti, "Mukama wange, muganda wange bw'ansobyanga, n'amusonyiwanga emirundi emeka? Emirundi musanvu?" ²²Yesu n'amugamba nti, "Sikugamba nti mirundi musanvu, naye okutuusa ku mirundi nsanvu emirundi musanvu. ²³N'olw'ekyo obwakabaka bw'eggulu bufanana nga kabaka eyayagala okukaanya n'abaddu be. ²⁴Awo bwe yatandika okukikolako ne bamuletera gwe yali abanja ttalanta olukumi. ²⁵Naye bwe zaamulema okusasula, mukama we n'alagira nti bamutunde, ne mukazi we era n'abaana ne byonna bye yalina, alyoke asasulwe. ²⁶Awo omuddu n'afukamira wansi, n'agamba nti, 'mukama wange,

ngumiikiriza, ndikusasula byonna.' ²⁷Awo mukama w'omuddu oyo n'akwatibwa ekisa, n'amusonyiwa ebbanja n'amuleka n'agenda. ²⁸Naye omuddu oyo bwe yali afuluma n'asisinkana muddu munne gwe yali abanja dinali kkumi; n'amukwata amataayi ng'amugamba nti, 'Nsasula mangu!' ²⁹Bw'atyo muddu munne n'afukamira n'amwegayirira, ng'agamba nti, 'Ngumiikirizako, ndizikusasula zonna.' ³⁰Naye teyamusonyiwa, yamukwata n'amutwala mu kkomera bamusibe okutuusa lw'alimusasula. ³¹Awo bakozi banne bwe baalaba byonna ebyaliwo, ne banakuwala nnyo, ne bagenda ne bategeeza ku mukama wabwe munnabwe bye yakola. ³²Awo mukama wabwe kwe kumuyita n'amugamba nti, 'Ggwe omuddu omubi! Nnakusonyiwa ebbanja lyonna kubanga wanneegayirira. ³³Nawe wali tosobola kukwatirwa kisa muddu munno, nga nange bwe nakusaasira?' ³⁴Mukama we yasunguwala nnyo, n'amuwaaayo bamubonyebonye okutuusa ng'asasudde byonna ebyali bimubanjibwa. ³⁵Bw'atyo Kita-

nge bw'alikola buli omu ku bya muganda we mu mutima
mmwe, atasonyiwa byonoono gwe."

Essomo lino lituyigiriza ebintu bingi

1. Okukalaatira "okutuusa ku nsanvu emirundi musanvu" kye batugamba ekiraga nga okusonyiwa tekuteekwa kukoma.

2. Omuddu eyalina ebbanja lya kabaka omutwalo gwa ttalanta omulamba eryo lyali bbanja ddene nnyo! Ttalanta emu yokka nga ebeeramu ensimbi nnyingi. Kati nga ebbanja ly'omuddu oyo olukubisamu emirundi mutwalo! Kyandibadde kintu kizibu nnyo omuddu oyo okusobola okusasula ebbanja lya kabaka.

3. Omuddu bwe yasaba kabaka okumugumiikiriza, kabaka yalaga okwagala kwe okungi bwe yamusonyiwa ebbanja lyonna!

4. Omuddu ono yalaga obutasiima bwe baamukolera ekikolwa eky'ekisa, ye bwe yagenda okubanja muddu munne ebitono bye yali amubanja. Mu nsimbi za Roma, eddinali ekikumi tezaali nsimbi nyingi. Omuddu oyo teyali mwenkanya kukwata muddu munne mataayi ng'amubanja! Katonda ebikolwa byaffe byonna abiraba, era yakiraba nga omuddu oyo muddu munne teyamuyisa bulungi nga ye bwe baamuyisa!

5. Omuddu eyasooka teyawuliriza kwegayirira kwa musajja oli omwavu, yamukwata bukwasi n'amuteeka mu kkomera asibibwe okutuusa lw'alizisasula. Bw'aba nga tekyamwanguyira kusasula nga ssi musibe, mazima ddala nga kigenda kuba kizibu nnyo okusasula ng'ali mu kkomera.

6. Kabaka baamutegeeza ku kikulwa ekyo ekibi. Ekyo kabaka ne kimusunguwaza nnyo kubanga yalaba nga omuddu oyo bwe yasonyiyibwa teyasiima. Omuddu oyo naye yandibadde ng'afuna omutima ogwagala okusonyiwa abo bonna be yali abanja!

7. Olw'ensonga nti omuddu omubi yagaana okusonyiwa munne, naye mwene yali ateekwa kusibibwa era abonerezebwe okutuusa lw'alisasula ebyo kabaka bye yali amubanja.

8. Yesu yagamba nti naffe tugenda kukolebwa bwe tutyo bwe tugaana mu mitima gyaffe okusonyiwa abalala.

9. Ekigambo kya Katonda kituyigiriza mu Abaruumi 3:23 nti fenna twayonoona **“Kubanga bonna baayonoona ne batatuuka ku kitiibwa kya Katonda.”** Twali nga tetusobola kusasula bbanja lyaffe ery’ebibi nga tuli bonoonyi mu maaso ga Katonda. Naye Yesu, omutukuvu atuukiridde era atalina kibi, yajja n’atufiirira kwe kwali okusasula ebbanja olw’ebibi byaffe. Yatusumulula n’atufuula ba ddembe! 1 Yokaana 3:5 atugamba bw’ati: **“Era mumanyi nga yalabisibwa okujjawo ebibi byaffe, era mu Ye temuli kibi kyonna.”**

10. N’olw’ekyo, olw’ensonga nti Katonda atusonyiwa ebibi byaffe ku lwa Yesu era n’abijirawo ddala, Ayagala naffe abalala tubasonyiwe byonna bye batusobya. Bwe tusonyiwa abalala, tuba tulaga Katonda nga bwe tulina mu mitima gyaffe okusiima olw’okusonyiyibwa ebibi byaffe ne tufuuka ba ddembe.

Bye Tulina Okujjukira



Okusasula ekibi olw’obulungi kintu kya mutawaana

nnyo era kibi; okujjukira ekirungi olw’obulungi abangi kye basinga okukola; naye okusasula obulungi olw’ekibi; kwe kufanana ne Mukama waffe Yesu Kristo. Yesu yasabira abalabe be na bali abaali bamubonyabonya. Mu Lukka 23:34b, tusoma essaala Yesu gye yasaba: **“Kitange basonyiwe, kubanga tebamanyi kye bakola.”**

ESSOMO 17. OMUSAJJA OMUGAGGA OMUNAKUWAVU

Matayo 19:16-26

“Era laba, omu n’ajja n’amu-

gamba nti, “Omuyigiriza Omulungi, nkole ntya nsobole oku-



sikira obulamu obutagwawo?”¹⁷Naye n’amugamba nti, “Ompitira ki omulungi? Omulungi ali omu yekka, Ye Katonda. Naye bw’oba nga oyagala okutuuka mu bulamu obutaggwawo, tuukirizanga amateeka.”¹⁸N’amuddamu nti, “Galiwa?” Yesu n’amugamba nti, “Tottanga; toyendanga; tobbanga; tolimbanga;”¹⁹Bazadde bo obassangamu ekitiibwa era oyagalanga muliranwa wo nga bwe weeyagala wekka.”²⁰Omuwubuka n’amugamba nti, “Ebyo byonna mbadde nga mbyeukuuma okuviira ddala mu buto bwange, kiki kye mpeebuu-

kako?”²¹Yesu n’amugamba nti, “Bw’oba nga oyagala okutuukirira, genda otunde by’olina byonna ogabire abavvu, kale oliba n’eby’obugagga mu gguulu; ojje ongoberere.”²²Naye omuvubuka bwe yawulira ebyo, n’avaawo n’agenda nga anakuwadde kubanga yalina eby’obugagga bingi.²³Awo Yesu n’amugamba abayigirizwa be nti, “Mazima ddala mbagamba nti, kizibu nnyo omugagga okuyingira mu bwakabaka obw’eggulu.”²⁴Nate mbagamba nti, kyangu eng’amira okuyita mu nnyindo y’empiso okusinga omugagga okuyingira mu bwakabaka bwa Katonda.”²⁵Abayigirizwa be bwe baabiwulira ne bawuniikirira nnyo, ne bagamba nti, “Kale ani alilokoka?”²⁶Naye Yesu n’abatunuulira n’abagamba nti, “Kino teki-soboka eri abantu naye eri Katonda byonna biyinzika.”

Eby’okukola

A. Wandiika wammanga awo ebiragiro bitaano kw’ebyo Yesu bye yagamba omuvubuka okubyekuumanga.

1. _____
2. _____
3. _____
4. _____
5. _____

B. Ebibuuzo bino wammanga biddemu nti YEE oba NEDDA. Eky'okuddamu kyo kiwandiike awo awali omusittale.

1. Omuvubuuka yagamba nti yeekuumanga amateeka gona? _____ (20)

2. Yesu yagamba nti omuvubuka oyo bw'aba nga ayagala okutuukirira agende atunde byonna bye yali alina? _____ (21)

3. Omuvubuka ono ensimbi ze yali alina kuzigabira bagaggaga? _____ (21)

4. Yesu omuvubuka yamuyita aije amugoberere? _____ (21)

5. Omuvubuka ono yagoberera Yesu? _____ (22)

6. Omuvubuka ono yavaawo nga musanyufu? _____ (22)

ESSOMO 18. YESU ATEGEEZA EBIGENDA OKUMUTUUKAKO NGA EKISEERA TEKINATUUKA



Matayo 20:17-19
17Awo Yesu n'ayambuka oku-

genda e Yerusalemi era yali wamu n'abayigirizwa be ekkumi

n'ababiri, awo bwe baali nga batambula n'abategeeza ebigambo bino, ¹⁸“Laba, twambuka okugenda e Yerusalemi, era Omwana w'Omuntu balimulyamu olukwe ne bamuwaayo mu mikono gya bakabona abakulu

n'abawandiisi; era balimusalira gwa kufa, ¹⁹era balimuwaayo mu mikono gy'ab'amawanga okumuduulira n'okumubonyaabonya era n'okumukomerera naye ku lunaku olw'okusatu alizuukira.”

Okufa kwa Kristo Tekwajja Iwa Butanwa

Ekiseera kya Yesu okukomererwa kyali nga tekinatuuka naye Yesu n'ategeeza ku bayigirizwa be **ebyo** ebyali bigenda okumutuukako. Okufa kwe yafiira ku musalaba kyali kitundu ku nteekateeka Ye ey'okutulokola mu bibi byaffe. Yokaana Essula 3, enyiriri 14 ne 15, atugamba bw'ati: “**Era nga Musa bwe yawanika omusota mu ddungu, n'Omwana w'Omuntu bw'atyo bw'ateekwa okuwanikibwa, buli amukkiriza aleme okubula naye abeere n'obulamu obutaggwaawo.**” Buli kinn'omu ku ffe yandibadde ng'asiima nnyo okufa kwa Yesu kwe yatufiirira. Si nsonga langi ki ey'olususu oba eggwanga gy'abeera. **BONNA YABAFIIRIRA.** (LABA 2 Abakkolinso 5:15.)

Ekigambo “**buli**” kitegeeza **ggwe** oba omulala **yenna** akkiriza! **BW'OBA** nga okkiriza nti Yesu yafa ku musalaba **AKULOKOLE** okuva mu bibi **BYO**, olwo **GGWE** ofuna **O-BULAMU OBUTAGWAAWO!**

“**Kubanga Katonda bwe yayagala ensi bw'ati, n'okuwaayo n'awaayo Omwana we eyazaalibwa omu yekka, buli muntu yenna amukkiriza aleme okubula, naye abeere n'obulamu obutaggwaawo.**” —Yokaana 3:16a

ESSOMO 19. KRISTO ATWALIBWA

Matayo 27:11-26

¹¹Awo Yesu n'ayimirira mu maaso ga ow'essaza. Ow'essaza n'amubuza nti, “Ggwe kabaka

w'Abayudaaya?” Yesu n'addamu nti, “Nga bw'oyogedde.”

¹²Awo bakabona abakulu n'a-



bakadde ne bamuloopa mu bigambo bingi naye Ye teyayanukula kigambo kyonna. ¹³Awo Pilaato n'amugamba nti, "Towulira ebyo byonna bye bakulimiriza?" ¹⁴So teyamuddamu kigambo kyonna, ow'essaza ne yewuunya nnyo. ¹⁵Yali nkola yabwe buli ku kuyitako nga babateera omu ku basibe gwe baali basazeewo okubateera. ¹⁶Awo ne babateera Balaba eyali omutemu. ¹⁷Awo bwe baakung'ana Pilaato n'ababuza nti, "Mbateere ani? Balaba oba Yesu gwe bayita Kristo?" ¹⁸Kubanga yakimanya nga baamuwaayo lwa bujja. ¹⁹Bwe yatuula mu ntebe ye esalirwamu emisango, mu-kyala we n'amutumira ng'agamba nti, "Omuntu oyo omutuukirivu tomukola kintu kyonna, kubanga nalumiddwa nnyo bwe nnamuloose nga nneebase." ²⁰Naye

bakabona abakulu n'abakadde ne bawaliriza ebibiina okusaba babateere Balaba, bazikirize Yesu. ²¹Naye ow'essaza n'addamu n'ababuza nti, "ku bano bombi ani gwe mwagala okubateera?" Ne bagamba nti "Balaba." ²²Pilaato n'abagamba nti, "kale naakola ntya Yesu oyo gwe bayita Kristo?" ²³Bonna ne bagamba nti Akomererwe. ²⁴Naye Pilaato bwe yalaba nga taasobole kugumiikiriza luyooogaano, n'addirira amazzi n'anaaba mu ngalo nga bonna balaba n'abagamba nti, "Nze ssiriko musango lwa musaayi gw'omuntu ono omutuukirivu; musango gwammwe." ²⁵Abantu bonna ne baddamu nti "Omusaayi gwe gubeere ku ffe, ne ku baana baffe." ²⁶Awo n'abasumululira Balaba naye Yesu ne bamukuba n'embooko n'amuwaayo bamukomerere.

Eby'okukola

Wammanga awo waliwo ebibuuzo by'olina okuddamu nga eby'okuddamu obisanga mu ssomo 19. Essomo ddamu nate olisome, olwo ojuzemu mu mabanga.

1. Yesu bakabona abakulu n'abakadde bwe baamuloopa yaddamu nti, _____ (12).

2. Kino ow'essaza kyamwewuunyisa _____ (14).

3. Balaba lyali linnya lya musajja eyali _____ (16).

4. Ani gwe baabateera? _____ (26).

5. Abantu baagamba nti Yesu _____ (22).

ESSOMO 20. YESU BAMUTIKKIRA ENGULE EY'AMAGGWA



Matayo 27:27-30

²⁷Awo abaserikale b'ow'essa-

za ne batwala Yesu mu kifo awasalirwa emisango, (kyayitibwanga Purayitoriyi) era abantu bangi ne beekung'anya. ²⁸Ne bamwambulamu engoye ze ne bamwambaza olugoye olumyufu. ²⁹Ne baluka engule ey'amaggwa, ne bagimutikkira ku mutwe, ne bamukwasa n'olumuli mu mukono gwe ogwa ddyo. Ne bamufukamirira ne batandika okumuduulira nga bagamba nti, "Mirembe Kabaka w'Abayudaaya!" ³⁰Ne bamuwandira amalusu, ne bamukuba olumuli ku mutwe.

Engeri gye Baayisamu Yesu

Ebintu ebizibu ennyo abasajja abakambwe bye baakola

Kristo mu nsi muno, naffe biyinza okututuukako. Abasajja abakambwe tebayagala Katonda. Tebayagala Yesu Kristo era yatutegeeza ebikwata ku nsonga eyo mu Yokaana, essuula 15, enyiriri 18-20a; “**Ensi bw’ebakyawanga, mumanye nga yasooka kukyawa Nze. Singa mubadde ba nsi, ensi yandibadde eyagala ekyayo. Naye olw’okuba nga temuli ba nsi, ky’evudde ebakyawa. Mujjukire ebigambo bye nna-bagamba, ‘Omuddu tasinga mukama we.’ Nga bwe baanjigganya Nze, nammwe bagenda kubayigganya.**” Yesu alina ekyama ekikulu eky’okugabanako naffe mu Yokaana 16, olunyiriri 33; “**Ebintu bino mbibabuulira, mulyoke mu-beere n’emirembe gyange. Mujja kulaba ebizibu bingi mu nsi, naye mugume kubanga nze mpangudde ensi.**”

Eby’okukola

Wammanga awo waliwo ebibuuzo by’olina okuddamu nga eby’okuddamu obisanga mu ssomo 20. Ddamu nate obisome, olyoke ojuzemu mu mabanga.


1. Abaserikale baayambula Yesu engoye ze ne bamwambaza _____ ekimyufu (28).
2. Baaluka engule _____ ne bagiteeka ku _____ (29).
3. Yesu baamuduulira bwe baamufukamirira ne bamugamba nti, “**Mirembe _____ w’Abayudaaya**” (29).
4. _____ ku mutwe ne bakozeza _____ ne bamukuba ku mutwe (30).

ESSOMO 21. YESU ATTIBWA

Matayo 27:31-38 n 50-54

³¹Awo bwe baamala okumukuba n’okumuduulira, ne bamujjamu ekyambalo kye baali ba-

mwambazza ne bamwambaza engoye ze, ne bamutwala okumukomerera. ³²Awo bwe baali



nga bamufulumya, ne basin-
nkana omusajja ow'e Kuleene,
eyayitibwanga Simooni. Oyo ne
bamuwaliriza okwetikka omu-
salaba. ³³Bwe baatuuka mu
kifo ekiyitibwa Gologosa, ama-
kulu gaakyo, Ekifo ky'Ekiwa-
nga, ³⁴ne bamuwa omwenge
omukaatuufu nga bagutabudde
mu by'okunywa ebirala. Naye
bwe yagulegako, n'atasobola
kugunywa. ³⁵Awo ne bamuko-
merera, ne bagabana engoye ze
nga bazikubira akalulu, ebya-
wandiiikibwa bituukirire ebya-
yogerwa banabbi nti: "Baa-
gabana ebyambalo byange era
olugoye lwange ne balukubira
akalulu." ³⁶Ne batuula wansi ne
bamutunuulira. ³⁷Waggulu ku
mutwe gwe ne bateekawo eki-
wandiiiko ekigamba nti: **ONO
YE YESU KABAKA W'ABA-**

YUDAAYA. ³⁸Awo ne bamuko-
merera n'abanyazi abalala ba-
biri omu ku mukono gwe ogwa
ddyo n'omulala ku mukono
ogwa kkono. ⁵⁰Yesu bwe yaa-
kwoola mu ddooboozi eddene,
n'ata omwoyo gwe. ⁵¹Era laba
ejjiji lya yekaalu ne liyulikamu
wabiri okuva waggulu okutuu-
ka wansi ne wabaawo ekika-
nkano kinene era n'enjazi ne
zaatika, ⁵²entaana ne zibikku-
ka, abatukuvu bangi abaafa ne
bazuukira. ⁵³Bwe baava mu
ntana zabwe ne bagenda ne
beeraga eri abantu mu kibuga
ekitukuvu. ⁵⁴Awo omukulu w'e-
kitongole n'abo abaali naye,
ne balaba okukankana ne byonna
ebyaliwo, ne batya nnyo ne ba-
gamba nti, "Mazima ddala ono
abadde Mwana wa Katonda!"

Yali Ani?

1. Ani gwe baawaliriza okwetikka omusalaba gwa Yesu?
_____ (32).

2. B'ani be baakomerera awamu ne Yesu, omu ku mukono gwe ogwa ddyo, n'omulala ku mukono ogwa kkono?
_____ (38)

3. Omukulu w'abasibe n'abantu abaali naye nga balaba ebigenda mu maaso bwe baalaba ekikankano n'ebintu ebirala byonna Yesu bye yakola, baagamba nti yali ani?
_____ (54)

ESSOMO 22. YESU AZIIKIBWA



Matayo 27:57-66

⁵⁷Bwe bwatuuka akawungeezi; omusajja omugagga n'ajja ng'ava Alimasaya era yayitibwanga Yusufu, era naye yali muyigirizwa wa Yesu. ⁵⁸Omusajja oyo n'agenda eri Pilaato

n'asabayo omulambo gwa Yesu, era Pilaato n'alagira ne bagumuwa. ⁵⁹Yusufu bwe yatwala omulambo n'aguzinga mulugoye olweru, ⁶⁰n'aguzazika mu ntaana gye yabajja mu lwazi; n'ayiringisa ejjinja eddene n'aliteeka ku mulyango gw'entaana n'avaayo. ⁶¹Era Malyamu Mangadaleena ne Malyamu omulala nabo baaliyo nga batudde awo ku mabbali g'entaana. ⁶²Ku lunaku olwaddirira, lwe lunaku oluddirira olw'okutegeka, bakabona abakulu n'Abafalisayo ne bakung'anira ewa Pilaato, ⁶³ne bamugamba nti, "Ssebo tujjukiddde, omulimba oyo bwe yali ng'akyali mulamu bye yayo-

gera, ng'agamba nti; 'oluva-nyuma lw'ennaku ssatu ndizukira.' ⁶⁴N'olw'ekyo lagira entana bagikumire ddala okutuusa ku lunaku olw'okusatu, si kulwa nga abayigirizwa be bajja ekiro ne babbamu omulambo gwe ne bagamba nti 'yazuukidde okuva mu bafu.'

Bwe kityo obulimba obw'oluvanyuma bulisinga buli obwasooka." ⁶⁵Pilaato n'agamba nti, "mulina abakuumi; mugende mugiteekeko abakuumi nga bwe mumanyi." ⁶⁶Awo ne bage nda entaana ne bagiteekako abakuumi nga n'ejjinja balitaddeko envumbo.

Okwagala Yusufu kwe yalina eri Kristo

Yusufu, omusajja omugagga, yayagala Yesu era ne yee waayo okumuziika, mu ntaana eyiye ku bubwe gye yali yeetegekedde. Mukama we omwagalwa bwe yalaba ng'afuddde, n'asalawo okumuwummuliza omwo. Omuntu alina okwagala kwa Yesu okutuufu tayinza kuba nga yeeyagaliza yekka. Bulijjo okwagala kitegeeza kugabana. Bw'obeera n'okwagala, onoonyereza engeri gy'oyinza okubeera omuweereza. Oyagala Yesu? Wazuula dda engeri gy'oyinza okumuweerezamu? Kiki ky'okola ku lwa Yesu?

Yesu yawaayo obulamu bwe

Yesu, mu kwagala kwe Ye, yawaayo obulamu bwe atulokole ggwe nange mu bibi byaffe. Yali alina kuyiwa musaayi gwe omutukuvu n'afa alyoke asasule omutango olw'ebibi byaffe. Abaebbulaniya 9:22 atugamba nti awatali kuyiwa musaayi tewali kujjawo bibi. Yesu yafuuka ssaddaaka etuukiridde kubanga Ye mwene teyaliiko kya kunenyezebwa kyonna. Yokaana 1:29b atugamba nti; "**Labab! Omwana gw'endiga owa Katonda Ajjawo ebibi by'ensi!**" Tewali muntu mulala yenna yandisobodde kufa ku musalaba kujjawo bibi byaffe, era tewali kirala kyonna nga zaabu oba feeza oba ente yadde ensolo endala yonna oba ekintu ekiramu ekyandiyinzizza okujjawo ebibi byaffe. Laba Peetero, essuula 1, enyiriri 18 ne 19: "**Kubanga mumanyi nga temwa-**

nunulibwa na bintu ebiggwaawo, ffeeza oba zaabu,... wa-bula omusaayi ogw'omuwendo omungi, nga ogw'omwana gw'endiga ogutaliiko bulema newakubadde ebala ye Kristo.”

Tutegeera tutya nga Yesu yawaayo obulamu bwe lwa kwagala kwe? Yokaana 10:18a agamba nti: **“Tewali abunzijako, naye mbuwaayo nzekka. Nnina obuyinza obubuwaayo, era nnina obuyinza obw’okubweddiza nate.”** YESU ALI-NA OBUYINZA BWONNA! Laba ne Matayo 28:18.

Yesu bwe yayimirira mu maaso ga Pilaato alyoke akomererwe, Pilaato yali alowooza nti yalina obuyinza obumukomerera oba obumusumulula n’amuta. Naye weetegeze ebigambo bya Yesu ebiri mu Yokaana 19:11a **“Yesu n’addamu nti ‘Tewandibadde na buyinza bwonna ku nze; si-nga tebwakuweebwa kuva waggulu.’ ”**

Kristo yawaayo obulamu bwe ku lw’ensi zonna, era abo bonna okuva mu buli nsi na buli ggwanga bwe bakkiriza Yesu balokolebwa. Kakasa nga OLI omu kw’abo ABAKKIRIRIZA mu MUKAMA YESU! Soma Okubikkulirwa 5:9: **“Ne bayimba oluyimba oluggya, nga boogera nti, ‘Osaanidde okukwata ekitabo okubembula obubonero bwakyo; kubanga wattibwa, n’otununula okutukomyawo eri Katonda ku lw’omusaayi gwo mu buli kika n’olulimi n’abantu n’eggwanga.’ ”**

Abalabe ba Yesu Bagezako Okumulemezayo mu Ntaana

Bakabona abakulu n’Abafalisaayo abaali abalabe ba Yesu, baayagala okulabira ddala nga entaana ekuumibwa nnyo waleme okubaawo omuntu n’omu ajjaye Yesu mu ntaana. Kino kitulaga nga okuzuukira kwa Yesu kwa kyewuunyo nnyo. Kitulaga bulungi nga baakifuula ekitasoboka kujjaye Yesu mu ntaana! Era n’abakuumi baatekebwa ku ntaana balabire ddala ekigenda mu maaso. Mu ssomo 23, tujja kulaba eky’amagero nga kibeerawo!

Emikono Egy'entiisa

“Lwaki mujaguliza Kalavaliyo?” ekibuuzo ekyo omuntu eyalabika okukirowoozako nga ekitali kya buntu ye yakibuuza mu biseera si bya wala nnyo. Era yalabika nga ekibuuzo ekyo kyali kimuzitoweredde nnyo. Yang'amba nti, “Kirowoozeeko,” okujaguliza okukomerera okw'Ekirooma; okuttibwa kwonna, omuntu yamalanga kuzza musango ne gumumegga. Omusalaba baagugalamizanga ku ttaka, ne bateekako omuzzi w'omusango, ne bamukomereramu emisumaali mu ngalo ne mu bigere gusobole okumunywereza kuli. Olwo ne balyoka bayimusa omusalaba nga bagusimidde ekinnya mwe bagusimba okutuusa omubi lw'afa. Era okwo kwe kujaguza kw'Abakristaayo nga basembera ku mmeeza entuku-vu oba kye bayita Ekyeggulo kya Mukama waffe. Mbategeeza ekyo ekintu si kya buntu, kizibu nnyo siraba na ngeri gye kiyinza kunnyonnyolwamu.”

“Aha, mukwano gwange,” ne muddamu, “Ekintu okirowoozako nga tomaze kulowooza ku nsonga lwaki kyakolebwa. Olemeddwa okukikwataganya obulungi n'oli eyakomererwa. Leka nkutegeeze ku kintu ekimu ekyaliwo kye nnawulirako.”

“Waaliyo omukazi omulungi, naye nga emikono gye gyalemala era nga gitiisa nnyo. Waayitawo emyaka mingi nga muwala we yeebuuzza lwaki emikono gya maama we gyali gifaanana bwe gityo era n'aba nti tayagala na kugitunulako nga gimukwasa ensisi; lwali lumu n'agamba bw'ati:

“Maama, obwenyi bwo mbwagala, amaaso go, n'enviiri zo. Birungi nnyo naye nnyabo, emikono gyo nga mibi nnyo era saagala na kugitunulako. Lwaki gyakyama bwe gityo mu ngeri ey'entiisa?”

“Mpuliriza mwana wange, bw'atyo bwe yamuddamu. 'Kankubuulire ekyatuuka ku mikono gyange. Bulijjo mbadde nga saagala kukubuulira, naye kiba kirungi n'okitegeera. Kaakano emyaka giweze nga kkumi. Bwe waali nga okyali

muto nnyo—nnali nk wagala nnyo, naye nga kati lwe nsinga okuwagala. Wali olina emyezi esatu gyokka. Ku makya kw'olwo, nnalina eby'okukolako bingi. Bwe nnamala okukuwa eby'okulya, ne nkuzazika ne ng'enda mu ffumbiro naye era nga mpuliriza okuwulira kyonna ekiyinza okukutuukako. Ssaalwayo nnyo, naye nga nnalwayo okusinga nga bwe nnali nkirowooza.

“Nnagenda okuwulira nga waliwo ampita ne ntunula ebweeru; ng'abantu baleekaana nti omuliro. Ne nziruka okuva mu ffumbiro okuyita mu lukuubo. Nnagenda okulaba nga oluggi lw'emiryango lwaka omuliro era omuliro gwali gwa maanyi nnyo. Baliraanwa ne bajja okutuyamba. Olwo nga omuliro gutandise okwambuka waggulu. Nnabunira era nga sikyavaamu kigambo kyonna. Mu lukuubo nga waliwo esuuka ennene elengejja okuva waggulu, nengibaka ne njeziringirira mu maaso ne ku bibegabega ne nneyongerayo, ne mpita mu muliro ne nkuwalulayo ne nkuzinga mu ssuuka z'okubuliri, ne nkuteeka mu kifuba kyange, ne nziruka nga nkukutte ne nfuluma mu nnyumba. Omutwe gwange, amaa-so n'ebibegabega byo byaawona, naye emikono n'ebibatu omuliro gwabyookya enyama n'eggwa ku magumba. Luno lwe lugero lw'emikono gyange era lwaki mibi nnyo.

“Kaakano laba ebighambo by'omuwala oyo. Yali mwana nga yazaalibwa buzaalibwa. Teyaliiko kisobyo kyonna. N'abaka emikono gya maama we egitiisa, n'agikwata n'engalo ze ennungi ennyo, n'aginywegera n'emimwa gye emirungi n'atunulira maama we mu maaso n'amugamba nti, 'Oh maama! Obwenyi bwo mbwagala, amaaso go, ensingo yo, envii-ri zo, naye emikono gino emyagalwa gye nsinga okwagala.' Era mu ngeri nga eyo, tuyinza okulowooza ku kufa kwa Yesu e Kalavaliyo.” —*Tubyeyazise ku Presbyterian Banner*

Bye Tulina Okukolera Katonda

1. Tuteekwa okwatulira Kristo ebibi byaffe ne tusonyiyibwa (1 Yokaana 1:9).
2. Tuteekwa okukkiriza Yesu Kristo ne tulyoka tulokolebwa (Ebikolwa 16:31).
3. Tuteekwa okwagala Katonda n'omutima gwaffe gwonna, n'emmeeme yonna, n'endowooza yonna (Matayo 22:37).
4. Tuteekwa okwatula Kristo, nga Ye Mwana wa Katonda mu maaso g'abantu (Matayo 10:32).
5. Tuteekwa okutambulira mu bulamu obusanyusa Katonda (1 Abasessaloniika 4:1).

ESSOMO 23. YESU AVA MU BAFU



Matayo 28:1-10

¹Naye olunaku olwa Ssabiiti bwe lwali lugenda okuggwaako, ng'olunaku oluberebye mu nnaku omusanvu lunaatera okukya, Malyamu Mangadaleene ne Malyamu omulala ne bajja okulaba entaana. ²Era laba, ne

wabaawo ekikankano ekinene ku nsi, kubanga malayika wa Mukama yakka okuva mu ggu-lu n'ajja n'ayiringisa ejjinja n'alituulako. ³Naye ekifaananyi kye kyali nga kumyansa, n'engo-ye ze zaali zitukula nga omuzira: ⁴era entiisa ye n'ekankanya abakuumi, ne baba nga abafudde. ⁵Naye malayika n'addamu n'agamba abakazi nti, "Mmwe temutya: kubanga mmanyi nga munoonya Yesu eya-komererwa. ⁶Tali wano azuukidde nga bwe yagamba. Mujje mulabe ekifo Mukama we yagalamira. ⁷Mugende mangu, mubuuulire abayigirizwa be nti Azuukidde mu bafu; era abakulembedde okugenda e Galiraaya, eyo gye muli mulabira. Laba mbabuulidde." ⁸Ne bava

mangu ku ntaana n'entiisa n'essanyu lingi, ne badduka okugenda okutegeeza abayigirizwa be. ⁹Laba, bwe baali nga baganda Yesu n'abasisinkana n'abagamba nti, Mirembe. Ne

bajja ne bamukwata ku bigere ne bamusinza. ¹⁰Awo Yesu n'abagamba nti, "Temutya: muge nde mubuulire baganda bange bagende e Galiraaya gye bali ndabira."

Eby'okukola

Bw'omala okusoma Essomo 23, nga ojjuzamu mu mabanga ekigambo ekituufu.

1. Malayika wa Mukama yakka okuva mu ggulu n'ayiringisa _____ (2). Ebyambalo bye byali bitukula nga _____ (3).

2. Abakuumi baatya nnyo ne bakankana ne bafaanana nga _____ (4).

KRISTO YAWANGULA okufa n'amagombe, n'entaana tulyoke tubeere balamu nate! Agamba mu Yokaana 14:19b nti, "Kubanga Nze ndi mulamu, nammwe muli balamu." Agamba mu Yokaana 11:25b ne 26a nti, "Nze kuzuukira n'obulamu. Akkiriza Nze, newakubadde ng'afudde aliba mulamu. Na buli muntu mulamu akkiriza Nze talifa emirembe n'emirembe."

ESSOMO 24. EBIGAMBO BYA YESU EBYASEMBAYO



Matayo 28:16-20

¹⁶Naye abayigirizwa ekkumi n'omu ne baganda e Galiraaya, ku lusozi Yesu gye yabalagira. ¹⁷Bwe baamulaba ne bamusinza: naye abalala ne babuusa-buusa. ¹⁸Yesu n'ajja n'ayogera nabo, n'agamba nti, "Mpeereddwa obuyinza bwonna mu ggulu ne ku nsi. ¹⁹Kale muge-

nde, mufuule amawanga gonna abayigirizwa, nga mubabatiza okuyingira mu linnya Iya Kitaffe, n'Omwana, n'Omwoyo Omutukuvu; ²⁰nga mubayigi-

riza okukwata byonna bye nna-balagira mmwe; era laba, nze ndi wamu nammwe ennaku zonna, okutuusa emirembe gino lwe giriggwaawo.” Amiina.

Bwe tubeera n'omwagalwa waffe nga anaatera okufa, twe-gomba nnyo okutwala era tuyaayaanira okuwulira ebigambo bye ebisembayo. Ebigambo ebisembayo tetubyerabira ebyo ebyogerwa mukwano gwaffe nga tannaba kufa era bibeera bikulu nnyo gyetul! Ebigambo ebirala eby'oluvanyuma ebya Yesu, mulokozi waffe, bwe yali nga tannaba kuddayo mu ggulu bye bino: **“Mugende mu nsi zonna mubuulire enjiri eri buli kitonde”** (Makko 16:15b).

Ofuba nga bw'osobola okutwala ebigambo bya Yesu bino ebyasembayo?

Lwaki Kitugwanidde Okubuulira ku Balala?

Ebikolwa 4:12 agamba nti: **“Tewali mu mulala bulokozi, kubanga tewali linnya ddala wansi wa ggulu eryatuweebwa okutulokola.”** Kino kiraga nga YESU LY'ESSUUBI lyokka lye tulina ku lw'obulamu obutagwaawo!

Yokaana 14:6 agamba nti: **“Yesu n'amugamba nti, 'Nze kkubo, n'amazima, n'obulamu. Tewali n'omu ajja eri Kitange wabula nga ayise mu Nze.'”** Era tukiraba nga YESU ly'e KKUBO lyokka erituuka eri KITAFFE!

Ekigezo ky'Omugoberezi Omutuufu

Yesu agamba nti: **“Bwe muba nga munjagala, muna-kwatanga amateeka gange”** (Yokaana 14:15). Etteeka erisooka era erisinga obukulu tulisanga mu Matayo 22:37b. Likolera wamu n'emirimu gye tulina okukolera Katonda. Lye lino: **“Yagalanga Mukama Katonda wo n'omutima gwo gwonna, n'emmeeme yo yonna, n'amagezi go gonna.”** N'etteeka ery'okubiri lirina kugenda ne bye tulina okukola ku lw'abantu bannaffe wonna wonna. **“Yagalanga muliranwa**

**wo nga bwe weeyagala wekka” (Matayo 22:39b). “Ku ma-
teeka gano abiri kwe kusenziira Eteeka lyonna ne bana-
bbi” (Matayo 22:40).**

ESSOMO 25. YESU AKOMAWO NATE

Bubonero ki Obulaga Okujja Kwe?

Soma essuula ya Matayo eya 24 olyoke ofune bulungi ekifaananyi ekituufu eky’obubonero bw’okujja kwa Kristo. Wano wammanga waliwo ebimu ku bintu ebyayogerwako.

1. Bakristo bangi ab’obulimba baliija nga beeyita Kristo era ne balimba bangi. Tetuteekwa kubagoberera (5, 23, 24 ne 25).

2. Walibeerawo entalo n’ettutumu ly’entalo. Eggwanga nga ligolokokera ku ggwanga, obwakabaka nga bulwanyisa obwakabaka (enyiriri 6 ne 7).

3. Walibeerawo okulumwa enjala, n’ebikankano mu bifo bingi. Eyo ntandikwa butandikwa ey’okulumwa (enyiriri 7 ne 8).

4. Abakristaayo baliweebwayo ne babonyabonyezebwa, okuttibwa, era n’okukyayibwa amawanga mangi kubanga be bayitibwa erinnya lya Kristo (lunyiriri 9). Kristo yajja mu nsi muno okubonaabona ku lwaffe, tulyoke tufune obulamu obutaggwaawo, kale olwo tuliba n’akakisa okukakasa okwagala kwaffe nga tubonyabonyezebwa ku lulwe.

5. Naye nno, Abakristaayo bangi bagenda kuyisibwa bubi era balekere awo okugoberera Kristo. Bagenda kwogera bubi ku bannabwe nga babalyamu enkwe era bakyawagane (olunyiriri 10).

6. Banabbi bangi ab’obulimba bagenda kuvaayo, era balimberimbe bangi. Baliba nga baweereddwa obuyinza okukola eby’amagero bingi n’obubonero ebyewuunyisa,

nga bagezako okulimbimba n'abakristaayo abasinga obugumu (enyiriri 11 ne 24).

7. Walibeerawo okulya kungi, okunywa, okuwasa, n'okufumbiza era nga bwe kyali mu nnaku za Nuuwa bwe yali ku nsi (enyiriri 37-39).

8. Oluvanyuma lw'okubonaabona okungi, enjuba erifuuka ekizikiza, omwezi nagwo nga tegukyayolesa kitangaala kya-gwo, emunyeenye ne zigwa okuva mu ggulu, n'amaanyi g'e-ggulu galinyeenyebwa (olunyiriri 29).

Agenda Kujja Atya?

1. Okujja kwe kuliba kwa mangu nnyo. Matayo 24:27 agamba nti, **"Nga okumyansa bwe kuva e buvanjuba ne kulabikira e bugwanjuba; Bwe kutyo bwe kuliba okujja kw'Omwana w'Omuntu."**

2. Agenda kujjira mu bire by'eggulu n'amaanyi n'ekitiibwa kingi. Matayo 24:30 atugamba ebikwata ku nsonga eyo.

3. **"Buli liiso lirimulaba..."** Okubikkulirwa 1:7).

4. **"Kubanga Mukama waffe yennyini alikka okuva mu ggulu n'okwogerera waggulu okw'eddoboosi eddene erya malayika omukulu n'ekondeere Iya Katonda. Era abo abaafiira mu Kristo be balisooka okuzuukira. Naffe abalamu abasigaddewo ne tulyoka tutwalibwa wamu nabo mu bire okumusisinkana Mukama waffe mu bbanga; kale bwe tutyo tunabeeranga ne Mukama waffe ennaku zonna. Kale mwesanyusenga n'ebigambo bino"** (1 Abasessaloniika 4:16-18).

5. **"Oyo Yesu abajjiddwako n'atwalibwa mu ggulu, alijja bw'atyo nga bwe mumulabye ng'atwalibwa mu ggulu"** (Ebikolwa 1:11b).

Engeri Y'okwekuuma nga Twetegekede Yesu

"Naye bwe tutambulira mu kitangaala nga Ye bw'ali ekitangaala, tubeera nga tussa kimu fekka na fekka, era

omusaayi gwa Yesu Kristo Omwana we gutunaazaako ebibi byaffe byonna” (1 Yokaana 1:7).

Oyagala Okugenda mu Ggulu?

Siiga ekifaananyi ky’omulenzi oyo ali mu kkubo ettuufu.



Zabbuli 86:5 — “Kubanga ggwe Mukama, oli mulungi, era osonyiwa era ojjudde ekisa eri abo bonna abakukwoola.”

Yokaana 14:6 — “Yesu n’amugamba [Tomasi] nti, ‘Nze kkubo, n’amazima, n’obulamu. Tewali n’omu ajja eri Kintange okujjako ng’ayita mu Nze.’”

Engeri gye Tutuukayo

Eddaala 1 — Funa Okunakuwala Olw’ebibi byo BYONNA

Waliyo akawala akagamba nti, “Okunakuwalira ebibi kitegeeza okunakuwala ekimala n’otuuka n’obutabiddamu.”



Setaani akozesa emize emibi n'asibira abantu mu kibi.

Atusiba ku njegere tuleme okwefunira eddembe.


Jangu, enjegere ne byonna, bireete eri **Yesu**. Ajja kukuwa eddembe.

Eddaala 2 — Weenenye era Oyatulire Katonda

1 Yokaana 1:9 — **“Bwe twatula ebibi byaffe, Ye wa mazi-
ma era mwenkanya ayinza okutusonyiwa ebibi byaffe
n’atunaazako ebitali bya butuukirivu byonna.”**

**Yesu Mutegeeze Byonna — Ajja Kuwulira
Essaala yo**

Goberera obutonyeze obwo ozuule ayinza okukutula enjere z'ekibi.



Eddaala 3 — Mukkirize era Omusembeze mu Mutima Gwo ne mu Bulamu bwo

Ggulawo olugi lw'omutima gwo okkirize Yesu ayingire mu mutima gwo KAAKANO!!

Okubikkulirwa 3:20a — **“Laba nyimiridde ku lugi nkona. Omuntu yenna bw'awulira n'aggulawo olugi, nange nnayingira gy'ali.”**

Tujja kubeera n'obukakafu nti tuli babe bwe twenyeza ddala ne tukkiriza.

Abaruumi 8:16 — **“Omwoyo Yennyini atujulira mu mitima gyaffe nti tuli baana ba Katonda.”**

WAKKIRIZA Yesu Kristo nga Omulokozi wo?

Okukola nga Ekigambo kya Katonda

- 1. Bwe tumala** okwenenya ebibi byaffe, ne
- 2. Nga tumaze** okukkiriza Kristo nga **Omulokozi waffe**,
- 3. Olwo — tuteekwa** okukola nga ekigambo kya Katonda bwe kigamba.

Tuteekwa okwekuuma nga tutambulira mu kitangaala nga tugoberera Yesu mu bulamu bwaffe **obwa** bulijjo. Soma 1 Yokaana, essuula 1, olunyiriri 7.

Eddaala 4 — Genda mu Maaso nga Otambulira mu Kristo buli Lunaku

Yokaana 8:31b ne 32 agamba bw'ati: **“Bwe munywerera
ku Kigambo kyange, mubeera bayigirizwa bange ddala.
Era mulimanya amazima, era n'amazima ge galibafuula
ab'eddembe.”**

Okusaba Katonda Buli Lunaku Kijja Kutufuula ba Maanyi

Eby'okukola

Siiga emikono egyo egisaba okulaga kye tuteekeddwa
okukola tusobole okunywera ku Iwa Katonda.




Soma Ekigambo kya Katonda Buli Lunaku

Tereka Ekigambo kye mu mutima gwo. Kwata mu mutwe enyiriri nyingi nga bw'osobola.

Kristo Wamwetwalira dda okuba Omulokozi wo?

Bw'oba nga wakikola dda, wandiika awo mu kifaananyi ky'omutima erinnya lyo.



Abalala nabo bategeeze ebikwata ku Yesu ne byonna bye yakukolera.

EBINTU BYE TWETAAGA OKUMANYA

KATONDA YAKOLA ENSI YAFFE



Olubereberye 1:1-25

¹Olubereberye Katonda yatonda eggulu n'ensi. ²Ensi yali yee-tabuddetabudde; n'ekizikiza kyali kungulu ku buziba; Omwoyo wa Katonda n'amaamira kungulu ku mazzi. ³Awo Katonda n'ayogera nti, "Wabeewo obutangaavu." Ne wabaawo obutangaavu. ⁴Katonda n'alaba nga obutangaavu bulungi. Katonda n'ayawula obutangaavu ku kizikiza. ⁵Katonda obutangaavu n'abuyita Emisana, n'ekizikiza n'akiyita Ekiro. Bwe kityo akawungeezi n'amakya ne luba olunaku olwasooka. ⁶Katonda n'ayogera nti, "wabeewo cbbanga wakati mu mazzi, lyawule amazzi n'amazzi." ⁷Katonda

n'ateckawo cbbanga okwawula amazzi agali wansi w'cbbanga n'amazzi agali waggulu mu bbanga: bwe kityo bwe kyali. ⁸Katonda cbbanga n'aliyita eggulu. Ne buba akawungeezi ne buba enkya, olwo lwe lunaku olw'okubiri. ⁹Katonda n'ayogera nti, "Amazzi agali wansi w'eggulu gakung'anire mu kifo ekimu, olukalu lulabike," bwe kityo bwe kyali. ¹⁰Katonda olukalu n'aluyita ensi, n'ekkung'aniri ly'amazzi n'aliyita ennyanja; Katonda n'alaba nga birungi. ¹¹Katonda n'ayogera nti, "Ensi emere ebimera, omuddo ogubala ensigo, omuti gw'ebibala, ogubala ebibala mu ngeri yagwo ogulimu ensigo yagwo"; ¹²Katonda n'alaba nga birungi. ¹³Ne buba akawungeezi ne buba enkya olwo lwe lunaku olw'okusatu. ¹⁴Katonda n'ayogera nti, "wabeewo cbyaka mu bbanga cry'eggulu, byawulenga emisana n'ekiro: bibenga ng'obubonero, n'cbiro n'cnnaku n'cmakya; ¹⁵bibenga nga ettaabaaza mu bbanga cry'eggulu

mbula ku nsi.” ²⁹Katonda n’ayogera nti, “Laba mbawadde omuddo gwonna ogubala ensigo okuli ku nsi yonna, na buli muti ogulimu ekibala ky’omuti ogubala ensigo gunabeeranga mmere yammwe; ³⁰n’eri buli nsolo ey’omu nsi, na buli eki-buuka mu bbanga na buli ekyewalula ku nsi; ekirimu omukka n’obulamu, mbiwadde omuddo omubisi okubeeranga emmere yaabyo.” Bwe kityo bwe kyali. ³¹Katonda n’alaba buli ky’akoze, era laba, nga birungi nnyo. Ne buba akawungeezi, ne buba enkya, olwo lwe lunaku olw’omukaaga.



Olubereberye 2:7

⁷Mukama Katonda n’abumba omuntu mu nfuufu y’ensi, n’afufuwa mu nnyindo omukka ogw’obulamu; omuntu n’afuuka emmeeme ennamu.

Bye Tulina Okujjukira

Omuntu wa njawulo okuva ku bintu ebirala byonna ebiramu. Tetuli nga bisolo. Bayibuli etutegeeza mu 1 Abakkolinso 15:39 amazima gano amakulu: “**Emibiri gyonna si gya kika kimu, naye waliwo ebika nga eky’omubiri gw’omuntu, omubiri omulala gwa nsolo, omulala gwa byennyanja, n’ebirala binyonyi.**” Omubiri gw’omuntu tegwawukana bwawukanyi kyokka ku bitonde ebirala naye era omuntu yakolebwa nga **emmeeme ennamu**. Bwe tuzaalibwa tulina **gye tubeera**. Abantu abakkiriza Mukama waffe Yesu Kristo nga Omulokozi bagenda kubeera n’obulamu obutaggwaawo, naye abo abagaana okwetwalira Kristo mu mitima gyabwe balibeera mu kulumwa okutakoma! Yokaana 5:28 ne 29 agamba nti: “**Kino kireme okubeewunyisa;**

kubanga ekiseera kijja bonna abali mu ntaana lwe baliwulira eddoboosi, ne bazuukira, abo abaakola obulungi, balizuukirira obulamu, n'abo abaakola obubi, balizuukirira omusango.”

Fenna tugenda kuyimirira mu maaso g'entebe ya Kristo ey'omusango. Abaebbulaniya 9:27 agamba nti; **“Era nga bwe kyateekerwawo omuntu okufa omulundi gumu, naye oluvanyuma musango.”** Abaruumi 14:10b-12 agamba nti; **“Nga bwendi omulamu, bw'ayogera MUKAMA, Buli vviivi lirinvunnamira era na buli lulimi lulinjatula eri Katonda; Kale buli omu ku ffe aliwaayo embalirira ye eri Katonda.”**

Enyiriri ezo waggulu era zoongera okutulaga nga ffe tuli banjawulo ku bisolo. Kituufu nga ensolo nazo zifa ne zidda mu ttaka, naye Omubuulizi 3:21 alaga bulungi enjawulo eriwowakati w'omwoyo gw'omuntu n'omwoyo gw'ensolo. Agamba bw'ati: **“Ani amanyi emyoyo gy'abaana b'abantu egigenda waggulu, n'omwoyo gw'ensolo, ogukka wansi mu ttaka?”** N'olwekyo, tulaba nga omwoyo gw'omuntu guddayo eri oli eyagugaba. Omubuulizi 12:7 atugamba nti: **“Awo enfuufu n'edda mu ttaka mwe yava, n'omwoyo ne guddayo eri Katonda eyagugaba.”**

Omuntu Yetaaga Omulokozi

Abaruumi 3:23 — **“Kubanga bonna baayonoona ne batatuuka ku kitiibwa kya Katonda.”**

Abaruumi 5:12 — **“N'olw'ekyo, ekibi nga bwe kyayita mu muntu omu ne kiyingira mu nsi, ate n'okufa ne kuyita mu kibi, bwe kityo okufa ne kubuna mu bantu bonna, kubanga bonna baayonoona.”**

Yokaana 3:5b — **“Omuntu bw'atazaalibwa mazzi na Mwoyo, tayinza kuyingira mu bwakabaka bwa Katonda.”**

Katonda Atuteekerawo Omulokozi

Abaruumi 5:6-11 — “Kubanga bwe twali nga tukyali banafu, mu ntuuko za Kristo yafiirira abatatya Katonda. Kubanga kizibu omuntu okufiirira omutuukirivu yadde nga omuntu ayinza okuguma n’afiirira omulungi. Naye Katonda alaga okwagala kwe Ye gyetuli, kubanga bwe twali nga tukyalina ebibi Kristo yatufiirira. Kale okusinga ennyo kaakano nga twaweebwa obutuukirivu bwe olw’o-musaayi gwe, tugenda kulokoka mu busungu ku bubwe. Kuba bwe twali nga tukyali balabe, twatabaganyizibwa ne Katonda olw’okufa kw’Omwana we, okusinga ennyo mu kutabaganyizibwa okwo tulirokoka olw’obulamu bwe; so si ekyo kyokka, naye era nga twenyumiriza mu Katonda kubwa Mukama waffe Yesu Kristo, gwe tuyitamu kakano okuba nga tufuna okutabaganna.”

Yokaana 3:16 ne 17 — “Kubanga Katonda bwe yayagala ensi bw’atyo n’okuwaayo n’awaayo Omwana we eyazaalibwa omu yekka, buli amukkiriza aleme okubula naye abeere n’obulamu obutagwaawo. Kubanga Katonda teyatuma Mwana we kusalira ensi omusango, naye ensi elokokere ku Ye.”

Tuteekwa Okukkiriza Kristo ne Tulyoka Tulokoka

Yokaana 3:18 — “Oyo akkiriza mu Ye taliiko musango; naye atamukkiriza gumaze okumusinga, kubanga takkiriza linnya lya Mwana wa Katonda eyazaalibwa omu yekka.”

Ebikolwa 16:31b — “Mukkirize Mukama waffe Yesu Kristo, munaalokolebwa, mmwe n’ab’ennyumba zammwe.”

Yokaana 5:24b — “Oyo awulira Ekigambo kyange n’akkiriza Oyo eyantuma alina obulamu obutagwaawo, era talisaliirwa musango, naye ayise mu kufa n’atuuka mu bulamu.”

Ebiddibwa mu Bibuuzo

Eby'okuddamu byonna mu bibuuzo ebiri mu "Ssanyu" Matayo, biri awo wammanga nga ojja kusobola okwekebera olabe oba nga bye waddamu bituufu. Bino olina kubikebera nga omaze kuddamu bibuuzo byonna. Bw'oba nga wawubwa n'ogwamu busatu n'okukka wansi, olwo nga okoze bulungi nnyo.

Olupapula 1, 2

1. Malyamu
2. Omwoyo Omutukuvu
3. malayika
4. Emmanweri
5. Katonda ali naffe

Olupapula 5

- | | |
|-----------|----------|
| A. 1. Yee | 4. Nedda |
| 2. Yee | 5. Yee |
| 3. Nedda | 6. Yee |
| | 7. Yee |

B. Era bwe baatuuka mu nnyumba, ne balaba omwana ne **Malyamu** nnyina, ne bavunama ne **bamusinza**. Ne basumulula ensawo zaabwe ne bamutonera **ebirabo: zaabu**, obubaane, **n'omugavu**.

Olupapula 8

- | | |
|--------------|----------|
| A. 1. Eggulu | 3. Yesu |
| 2. enzige, | 4. jjuba |
- n'omubisi gw'enjuki
ez'omu nsiko
5. Omwana

Empapula 10, 11

- | | |
|----------------------------------|------------|
| A. 1. amakumi ana | |
| 2. omulabe (omukemi oba Setaani) | |
| 3. omugaati | 4. yekaalu |
| 5. Ye | |

Olupapula 13

- | | |
|----------------|-------------|
| A. 1. Andereya | 3. Yokaana |
| 2. omugonjo | 4. obutimba |

Olupapula 16

A. Kitaffe ali mu **ggulu**, erinnya lyo litukuzi-bwe. Obwakabaka bwo buje. By'oyagala bikolebwe mu **nsi**, nga bwe bikolebwa mu **ggulu**. Tuwe leero **emmere** yaffe eya bulijjo. Era otusonyiwe ebyonoono byaffe, nga bwe tusonyiwa **abatusobywa**. Totutwala mu kuke-mebwa naye otulokole eri **omubi**. Kubanga obwakabaka, **n'obuyinza**, **n'ekitiibwa**, bityo, emirembe n'emirembe. Amini.

Olupapula 22

- | | |
|--------------|-----------|
| A. 1. mugezi | 2. musiru |
|--------------|-----------|

Empapula 28, 29

- | | |
|----------------------------|------------|
| A. 1. binyonyi | |
| 2. ttaka, ziwotoka, zikala | |
| 3. amaggwa | 4. ebimera |
- B. 1. kigambo, kutegeerwa
2. kigambo, kwesittala
3. gy'ensi eno, ekigambo, abatalina bibala
4. kibala ebibala

Empapula 37, 38

- | | |
|--|--|
| A. 1. Tottanga | |
| 2. Toyendanga | |
| 3. Tobbanga | |
| 4. Towayirizanga | |
| 5. Kitaawo ne nnyoko obawanga. | |
| 6. Oyagalanga muliraanwa wo nga bwe weeyagala wekka. | |
- B. 1. Yee
2. Yee
3. Nedda
4. Yee
5. Nedda
6. Nedda

Olupapula 41

- | | |
|----------------|--|
| A. 1. bwereere | |
| 2. na maanyi | |
| 3. musibe | |
| 4. Balunabba | |
| 5. kukomererwa | |

Olupapula 42

- | | |
|--------------------|-----------------------|
| A. 1. ekyambalo | |
| 2. amaggwa, omutwe | |
| 3. Kabaka | 4. okuwanda, olumulii |

Olupapula 44

- | | |
|-------------------------------------|--|
| A. 1. Simooni (omusajja Omukuleene) | |
| 2. abanyazi | |
| 3. Omwana wa Katonda | |

Olupapula 50

- | | |
|------------------------|----------|
| A. 1. ejjinja, omuzira | 2. abafu |
|------------------------|----------|

EBY OKUKOLA

Wammanga awo jjazamu mu mabanga buli w olaba nga oyinza okuddamu nti YEE nga tolimba. Ekigambo okiwa-ndiikewo nti YEE.

_____ 1. Mu kusoma bino ebiri mu katabo SSANYU, wawulidde nga Katonda ayogera n omutima gwo?

_____ 2. Wandiyagadde okubeera omuntu wa Mukama waffe Yesu Kristo n okufuna OBULAMU OBUTAGGWAAWO?

_____ 3. Mazima ddala owulira nga ebibi byo bikunakuwaza oba ebikyamu byonna bye wakola? Mu mazima oya-gala okulekayo ebibi ebyo n obutaddirayo ddala kubikola?

_____ 4. Wasaba eri Yesu nga omutegeeza nti weenenyaa?

_____ 5. Wasaba Yesu n otuuka n okuwulira nga ofunye emirembe mu mutima gwo, era omanyi nga yawulira okusa-ba kwo n akusonyiwa ebibi byo byonna? Jjukira nga Ye ya-suubiza nti **Bwe** twatula ebibi byaffe, Ye wa mazima era mwenkanya okutusonyiwa ebibi byaffe. (Soma 1 Yokaana 1:9 ku lupapula 55 mu kitabo kino.)

_____ 6. Kaakano weesiga Kristo nga Omulokozi wo?

_____ 7. Nga oyambibwako Mukama, onoomugobereranga era nga bw omusaba buli lunaku akuyambe otambulire mu bulamu bw asiima?

_____ 8. Onaakola kyonna ky osobola okulaba nga oya-mba abalala nabo bazuule Yesu abeere Mulokozi wabwe?

KRISTO AKOMAWO NATE!



EETEGEKE

“N’olw’ekyo nammwe mweteeketeke: kubanga mu kiseera kye mutasuubiriramu; Omwana w’Omntu ky’ajjiramu.”

—Matthew 24:44